



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

26608

285

Կ. ԿԱՌԻՑԿԻ

278

# ԳՈՐԾԱԻՈՐ ԴԱՍԱԿԱՐԳԸ

(ՊՐՈԼԵՏԱՐԻԱՏԸ)

146

Քարգամանց

Ս. ՍԵՊՈՂ—ԳԻՒԼԵՆՆ



335  
4-23

ԻՕՍՏՕՆ

1905

199

146

335

4 400841

187

4-23

ԳՈՐԾԱԻՈՐ ԳԵՍԵԿԱՐԳԸ

Տն-կարգ 7 (ՊՐՕԼԵՏԱՐԻԱՏԸ)



Հայրսմբար ընդհանրական

Թարգմանեց

Ս. ՍԵՊԵՀ-ԳԻԻԼԵՆՆ




ԲՕՍՏՈՆ

1905

20 MAY 2013

26.608

05 JAN 2010



## ՅՄՈՒՆԻՏԵՆ



Սօցիալիզմի պատմութեան մէջ մասնաւոր տեղ է զը-  
րաւում 1891-ի Էրֆուրտի ժողովը, ուր մանրամասնօրէն  
մշակուեցաւ Գերմանական Սօցիալ-Դէմոկրատիայի ծրագ-  
րը:

«Էրֆուրտի Ծրագիրը» և նրա զանազան ստորաբաժա-  
նումները առանձին քննութեան և լուսարանութեան է են-  
թարկել յայտնի Կ. Կաուցկին իր «Das Erfurter Program»  
(Էրֆուրտի Ծրագիրը) նշանաւոր գրքով:

Das Erfurter Program գիրքը ամէն ազգերի Սօցիա-  
լիստ գրականութեան մէջ յայտնի տեղ ունի բռնած:

Նոյն այդ գիրքը թարգմանուած է և՛ Անգլիերէնի, սա-  
կայն ոչ թէ ամբողջութեամբ, այլ նրա գլխաւոր և էական  
մասերը, բայց առանց մտքի ո՛ր և է խաթարումն յառաջ բե-  
րելու:

Եւ այդ պիտով դուրս են եկած չորս գրքոյկներ — Գոր-  
ծաւոր Դասակարգ, Կապիտալիստ Դասակարգ, Դասակար-  
գային կռիւ և Սօցիալիստ ՀանրաՎարութիւն. որոնք ներ-  
քին սերտ կապակցութիւն ունին իրարու հետ և Սօցիալիզ-  
մի գլխաւոր մասերի բացատրութիւնը իրենց մէջն են ամ-  
փոփում:

Մենք աւելի յարմար դատեցինք Անգլիական թարգ-  
մանութեանը հետեւիլ:

Մի քանի խօսք էլ գործածուած բառերի համար. —  
ըստ Էնգելսի՝ «Բուրժուա նշանակում է նորագոյն կապիտա-  
լիստների այն դասակարգը, որոնք ընկերային արտադրու-  
թեան միջոցների և վարձու աշխատանքի տէրերն են:  
Պրօլետարիատը արդի վարձու աշխատաւորներն են, որոնք  
արտադրութեան իրենց սեպհական միջոցները չունենալով՝  
հարկադրուած են իրենց աշխատանքի ուժը ծախելու, որ-  
պէսզի ապրեն»:



57248-66

Մտքերի խառնաշփոթութեան տեղի չտալու համար աւելացնում ենք, որ հոմանիշ են՝ կապիտալիստ, Բուրժուա, Փղշտացի, Շահագործող, Մակարոյժ բառերը:

Հոմանիշ են և՛ Պրօլետարիատ, Գործաւոր Դասակարգ, Վարձագնով Աշխատող, Վարձագնի Ստրուկներ, Գործաւորներ, Սեպհականազուրկ և ժառանգազուրկ բառերը:

Միևնոյն միտքը ունին Արտադրութիւն և Արդիւնաբերութիւն բառերը:

Ճարտարագործութիւն, Արուեստագործութիւն գործ են ածուած ինդուստրիա բառի փոխարէն:

Տարազագործութիւն համապատասխանում է Մանիֆակտուրային:

Այլևս կասկած չի կարող լինել, որ մօտիկ ապագան Սօցիալիզմի տիրապետութեանն է. բայց որպէսզի Սօցիալիզմը իր վերջնական յաղթանակը աւելի շուտ տանի, հարկաւոր է որ աւելի շուտ էլ գործաւոր դասակարգը զիտակից լինի իր դասակարգային շահերին եւ կատարի այն հրամայական պարտականութիւնը, ինչ որ նոյն այդ դասակարգային շահերը թելագրում են:

Հայ գործաւորին աւելի դիւրին միջոց չէինք կարող տալ ծանօթանալու Սօցիալիզմի, և հետեւաբար իր դասակարգային շահերի հետ, քան չորս գրքոյկներով նրան ներկայացնելու Das Erfurter Program ի հական մասերը:

14 Փետրուար, 1905  
ՌՕՍՏՕՆ

Ս. ՍԱՊՍ.Չ—ԳԻԻԼԵԱՆ



# ԳՈՐԾԱՅԻՈՐ ԴԱՍԱԿԱՐԳԸ

(ՊՐՕԼԵՏԱՐԻԱՏԸ)

ԳԼՈՒԽ Ը.

## ՄՆԻՆՆԵՐԻ Ե.Չ.ԴԵՑՈՒԹԻՒՆԸ

Այն ամէն երկրներում, ուր արտադրութեան կապիտալիստական սիստէմն է տիրապետում, — մասնաւորապէս այնպիսի երկրներում, ինչպիսին են Միացեալ Նահանգները, ուր կապիտալիզմը հասած է բարձրագոյն կէտին, — մենք տեսնում ենք որ ազգաբնակչութիւնը գլխաւորապէս բաժանուած է երկու դասակարգի. առաջին՝ կապիտալիստներ, որոնք տէր են արտադրութեան միջոցների — գործիքների, մեքենաների, հողի ևն. — բայց որոնք այդ իսկ արտադրութեան բնաւ չեն մասնակցում. և, երկրորդ՝ վարձագնով աշխատողներ, պրօլետարիատ, որոնք միայն իրենց աշխատանքի ոյժն ունին և ապրում են նոյն այդ աշխատանքի ոյժը ծախելով ու իրենց այդ աշխատանքն է որ արտադրում է երկրի ամբողջ հարստութիւնը:

Կապիտալիստները պրօլետարների մեծ մթերքի պէտք ունին. սկզբում, ուրիշ երկրների մէջ և անցեալ ժամանակներում, բռնի միջոցների էր դիմում պահանջուած այդ մթերքը մատակարարելու համար: Սակայն այսօր, մասնաւորապէս Միացեալ Նահանգներում, այդպիսի մեթոտների դիմելու այլ ևս հարկ չկայ:

Կապիտալիստական մեծաստիճան արտադրութեան գերազանց ոյժը փոքր արտադրութեան վրայ ինքնին արդէն պատճառ է դառնում որ — առանց օրէնքը կամ մասնա-

ւոր սեպհականութիւնը բռնադատելու և ընդհակառակը նոյն այդ օրէնքի և սեպհականութեան պատճառով — տարւան մէջ բաւականին մեծ թուով փոքր ազարակապաններ և ճարտարագործներ սեպհականազրկուում են և փողոցն են նետուում ու այդպիսով մտնելով պրօլետարիատի զանգուածի մէջ, նրանք գալիս են բաւականութիւն տալու կապիտալիստական յարաճուն պահանջին՝ մարդկային մօտի համար:

**ԿԱՊԻՏԱԼԻՍՏԱԿԱՆ ԱՐՏԱԴՐՈՒԹԻՒՆԸ  
ԲԱՉՄՄՅՆՈՒՄ Է ՊՐՕԼԵՏԱՐԻԱՏԻ ԹԻՒՐ**

Թէ պրօլետարիատի թիւը յարատեւօրէն աճում է Միացեալ Նահանգներում՝ (1) դա այնպիսի մի շօշափելի փաստ է, որ այլ ևս չեն ժխտում նոյն իսկ նրանք, որոնք ուզում են մեզ հաւատացնել թէ այսօրուայ ընկերութիւնը հանգչում է այն հիմունքների վրայ, ինչ որ սրանից հարիւր տարի առաջ էր, և որոնք փորձում են վարդի գոյնով նկարագրել փոքր արտադրողի դրութիւնը դեռ այսօր էլ: Արդարեւ, ընկերութեան կազմակերպութեան մէջ յեղաշրջումն է տեղի ունեցել, ինչպէս եղած է արտադրութեան սիստէմի մէջ: Արտադրութեան կապիտալիստական ձեւը տապալեց բոլոր միւս ձեւերը և ինքը դարձաւ տիրապետողը ճարտարագործութեան դաշտի մէջ, ինչպէս որ այսօր վարձագնով աշխատութիւնն է աշխատանքի տիրապետող ձեւը: Հարիւր տարի առաջ ազարակապան գիւղացիները առաջին տեղն էին բռնում. յետոյ քաղաքացի փոքր ճարտարագործները. իսկ այսօր վարձագնով աշխատողները կամ պրօլետարիատը:

Բոլոր քաղաքակիրթ երկրներում պրօլետարները, այսօր, ամենաստուար դասակարգն են կազմում. պրօլետարների դրութիւնը և նրանց մտածմունքի եղանակն է որ տիր-

(1) 1890ի վիճակագրութեան համեմատ՝ դասակարգերի յարաբերական թիւը Ամերիկայի Միացեալ Նահանգների մէջ հետեւեալն է, ըստ «սօցիալիստական օրացոյցի»:

Կապիտալիստ դասակարգ	887,390
Միջին դասակարգ	27,517,472
Պրօֆեսիօնալ դասակարգ	3,777,332
Գործաւոր դասակարգ	34,440,046

րապետում է աշխատանքի միւս բոլոր ստորաբաժանումների վրայ: Իրերի այս դրութիւնը բովանդակում է կատարեալ մի յեղափոխութիւն ազգարնակչութեան մեծամասնութեան մտածմունքի և դրութեան վրայ: Պրօլետարիատի դրութիւնը արմատապէս տարբերում է աշխատանքի նախկին դրութիւնից: Փոքր ազարակապանը, արհեստաւորը, փոքր արտադրողը ընդհանրապէս տէր էին իրենց սեպհական արտադրածին, որովհետեւ տէր էին արտադրութեան միջոցներին. ընդհակառակն՝ պրօլետարի աշխատանքի արդիւնքը չի պատկանում իրեն, այլ կապիտալիստին՝ իր աշխատանքի ոյժը գնողին, արտադրութեան անհրաժեշտ գործիքների սեպհականատէրին: Ճշմարիտ է որ կապիտալիստը վարձագին է տալիս պրօլետարին, բայց այդ վարձագնի արժէքը նրա արտադրածի արժէքից շատ վար է:

**ՊՐՕԼԵՏԱՐԻ ԱՇԽԱՏԱՆՔԸ ԿԱՊԻՏԱԼԻՍՏԱԿԱՆ  
ՇԱՀԻ ԱՂԲԻՒՐՆ Է**

Երբ ճարտարագործութեան (մի անգամ ընդ միշտ ասում ենք որ անտեսական զարգացման ներկայ շրջանում երկրորդագործութիւնը նոյնքան ճարտարագործութիւն է, որքան և արտադրութեան մի ուրիշ ճիւղ) մէջ կապիտալիստը ծախու է առնում այն միակ ապրանքը, որ պրօլետարիատը կարող է վաճառել՝ այսինքն նրա աշխատանքի ոյժը, նա այդպէս անում է, որպէսզի պրօլետարի այդ ոյժից ինքը շահաւոր կերպով օգտուի: Որքան որ գործաւորը աւելի արտադրի, այնքան էլ աւելի կլինի նրա ամբողջական արտադրածի արժէքը: Եթէ կապիտալիստը իր գործաւորներին աշխատցնէր միայն այնքան, որ նրանք արտադրէին իրենց վճարուած վարձագների արժէքը, նա շահ չէր անիլ: Բայց որքան էլ որ կապիտալիստը իրեն յօժարակամ ներկայացնի որպէս «բարեբար տանջուող մարդկութեան», սակայն և այնպէս իր կապիտալը միշտ «շահ» է աղաղակում: Որքան որ գործաւորները իրենց վարձագների արժէքի համար պահանջուած ժամանակից աւելի աշխատեն, այնքան էլ աւելի կլինի իրենց արտադրածի արժէքը. այնքան էլ աւելի կլինի, իրենց վարձագների ծախքերից յետոյ, կապիտալիստին մնացած աւելցուքը, և է՛լ աւելի կլինի շահագործման այն քանակութիւնը, որին որ ենթարկուում են գործաւորները: Աշխատանքի այս շահագործումը կամ խու-

գումն իր սահմանը գտնում է միայն գործաւորների համբերութեան և ընդդիմադրութեան այն ոյժերի մէջ, որ նրանք ընդունակ են առաջարկելու իրենց շահագործողներին:

Կապիտալիստական արտադրութեան մէջ կապիտալիստը և վարձագէնով աշխատողը միասին չեն գործում, ինչպէս որ ճարտարագործական նախկին շրջաններում գործատէրը և գործաւորն էին անում: Կապիտալիստը շատ շուտով դառնում է և էպպէս մնում է մի վաճառական: Իր գործունէութիւնը, որքան որ նա կարող է գործունէայ լինել, սահմանափակում է, ինչպէս մի վաճառականի, շուկայի գործառնութեամբ: Իր աշխատանքն է, որքան կարելի է արժան գնել հում նիւթը, աշխատանքի ոյժը և ուրիշ անհրաժեշտ բաները ու շրջանառութեան մէջ դնելով՝ աւարտ գտած արտադրութիւնները ինչքան կարելի է թանգ ծախել: Արտադրութեան դաշտին մէջ՝ նա ոչինչ չի անում բացի գործաւորներից աշխատանքի ամենամեծ քանակութիւն կորզելու՝ որքան կարելի է քիչ վարձագէնով, և այդպիսով գործաւորներին ճգմելով դուրս բերելու, ըստ կարելելոյն մեծ քանակութեամբ, յաւելեալ արժէքներ: Իր գործաւորների նկատմամբ նա ո՛չ թէ գործակից ընկեր է, այլ միայն վաճառ, շահագործող: Որքան որ գործաւորները երկար աշխատեն, այնքան էլ աւելի լաւ նրա համար, նա չի յոգնում՝ եթէ աշխատանքի ժամերը անհաշիւ կերպով երկարում են, նա չի վտանգւում, եթէ արտադրութեան մեթոտները սպանիչ են դառնում: Բոլոր ղեկավարիչ դասակարգերից կապիտալիստը ամենաանհոգն է իր գործաւորների կեանքի ապահովութեան նկատմամբ: Աշխատանքի ժամերի երկարացումն, տօն օրերի չպահելը, գիշերային աշխատանքի ներմուծումն, խոնաւ և ծայրայեղ օրէն տաքցուած գործարանները՝ լի թունաւոր գազերով, ահա սրտնք են «այն բարեկրուսները, որ արտադրութեան կապիտալիստական եղանակը ներմուծել է գործաւոր դասակարգի օգտին համար»:

Թէ ԻնՉՊէՍ ՄեՔենԱնեՐԸ ՍՏՈՐԱՑՆՈՒՄ ԵՆ  
ԳՈՐԾԱԻՈՐ ԴԱՍԱԿԱՐԳԻ ԴՐՈՒԹԻՒՆԸ

Մեքենաների ներմուծումը ևս աւելի շատացնում է վըտանքը գործաւորների կեանքի դէմ: Մեքենայական սիստէմը գործաւորին շղթայում է մի հրէշի, որ հսկայական

աօրութեամբ և խելայեղ արագութեամբ մշտնջենապէս շարժւում է: Խնամոտ և խորին ուշադրութիւնը միայն կարող է պաշտպանել գործաւորին, որ նա չըռնուի, չխորտակուի այդպիսի մի մեքենայից: Որովհետև պաշտպանողական միջոցները դրամ արժեն, ուստի կապիտալիստը այդ միջոցները չի ներմուծում, միեջեւ որ նրան չեն ստիպում այդ անելու: Խնայողութիւնը կապիտալիստի ամենափառաքանուած առաքինութիւնը լինելով՝ փոքր գործարանի մէջ որքան կարելի է շատ մեքենաներ է ղետեղում, տեղ խնայելու դիտումով: Նրա ի՞նչ հոգը թէ դրանով իր գործաւորների ձեռքերն ու ոտքերը կարող են վտանգուել: Չէ՞ որ գործաւորները արժան են, իսկ օգասուն, ընդարձակ գործատեղիները՝ սուղ:

Դեռ մի ուրիշ տեսակէտ ևս կայ, որով մեքենաների կապիտալիստական կիրառութիւնը ստորացնում է գործաւոր դասակարգի դրութիւնը: Դա այն է, որ նախկին գործաւորի գործիքը աւելի արժան էր և շատ քիչ էր ենթարկւում այնպիսի փոփոխութեան, որ այլ ևս օգտակար չլինէր: Ուրիշ է մեքենայի նկատմամբ, նախ՝ մեքենան դրամ արժէ, շատ դրամ, երկրորդ՝ եթէ իր սիստէմի մէջ եղած բարեկրաման պատճառով մեքենան զրկւում է օգտակարութիւնից, ապա կապիտալիստը փոխանակ շահի կորուստ ունի այդ տեղից: Դարձեալ, մեքենան անպէտքանում է ոչ միայն գործածութեան, այլ և պարապութեան պատճառով: Բացի դրանից՝ գիտութեան ներմուծումը արտադրութեան մէջ միշտ պատճառ է դառնում նոր գիւտերի և հնարքների, որով յաճախ երբեմն այս, երբեմն այն մեքենան, երբեմն էլ ամբողջ գործարանը միանգամից անընդունակ է դարձնում նորագոյն մեքենաների հետ մրցելու, շնորհիւ այս փոփոխութիւնների ամէն մեքենայ յարատեւ վտանգի մէջ է իր օգտակարութիւնը կորցնելու՝ մաշուելուց առաջ: Այս հանգամանքը բաւականին հիմունք է, որպէսզի կապիտալիստը որքան կարելի է շուտ և շատ օգտուի գործածութեան մէջ դրած իր նոր մեքենայից: Ուրիշ խօսքով՝ մեքենաների սիստէմի կապիտալիստական կիրառութիւնը մասնաւոր խթան է, որպէսզի կապիտալիստը որքան կարելի է շատ երկարացնի աշխատութեան ժամերը, առանց ընդհատելու յառաջ վարի արտադրութիւնը, ներմուծի գիշերուան և ցերեկուան փոփոխութիւնների սիս-

տէմը և, Հետեւաբար, գիշերային աշխատանքի վատառողջ սխտէմը յարատեւ դարձնի:

Այն ժամանակ, երբ մեքենայական սխտէմը սկսեց զարգանալ, մի քանի գաղափարաբաններ (իդիօլօգ) այնպէս յայտարարեցին թէ Ոսկեդարը մօտեցել էր, մեքենան պիտի ազատէր գործաւորին և նրան ազատ մարդ դարձնէր: Կապիտալիստի ձեռքին մէջ, սակայն, մեքենան ամենազօրաւոր լծակը դարձաւ աւելի ծանրացնելու պրօլետարիատի կրած բեռը ու նրա ստրկացումը և՛ս աւելի անհանդուրժելի դուրժեան մէջ դնելու:

Բայց ոչ միայն աշխատանքի ժամերի նկատմամբ է, որ վարձագնումով աշխատողի դուրժիւնը փնտուեցաւ մեքենաների ներմուծմամբ, այլև նրա դուրժիւնը փնտուեցաւ և՛ վարձագնի տեսակէտից: Պրօլետարը՝ այս օրուայ գործաւորը, սեղանակից չէ կապիտալիստին և չի ապրում նրա Հետմիևնոյն տանը մէջ: Որքան էլ թշուառ լինի գործաւորի եթէ նա սովամահ էլ լինի, - դարձեալ կապիտալիստի բարեկեցութիւնը չի վրդովուիլ այդ աղէխարչ տեսարանից: Առաջ՝ վարձագն և սովամահութիւնը բաւերը հակադիրներ էին. ազատ գործաւորը առաջ սովամահ կարող էր լինել, երբ տեղը էլ բաւականաչափ բան կուներնար, սովամահութեան սխտէմին էր վերապահուած այդ երկու հակադիրները - վարձագնը եւ սովամահութիւնը - հոմանիշ դարձնելու եւ սովավարձը մշտատեւ հաստատութիւն ու ընկերային ներկայ սխտէմի նեցուկն անելու: (2)

(2) Յայտնի բան է, մեքենաները ոչ այլ ինչ են, եթէ ոչ գործաւորների ստեղծած եւ կապիտալիստների սեպհականացրած յաւելեալ արժէքի մի մասը: Ի հարկէ Հետաքրքիր կլինէր իմանալ թէ այդ յաւելեալ արժէքի ո՞րքան մասը մարմնացել է այդ ահեղ գործիքների մէջ: Վերջին վիճակագրութեան տուած թուանշաններից երեւում է որ Միացեալ Նահանգներում տարազագործութեան եւ մեքենայական ճարտարագործութեան մէջ գործածուող մեքենաների, գործիքների և գործեակների դրամական արժէքն էր \$ 1,584,000,000 կամ, ուրիշ խօսքով, այդ ճարտարա-

### ԳԼՈՒԽ Բ. ՎԼՐՉԵԳՆԵՐ

Գործաւորների վարձագները երբէք չեն կարող այնքան վեր բարձրանալ, որ անկարելի դարձնէին կապիտալիստին իր գործը յառաջ տանելու և ապրելու, այդպիսի հանգամանքների ներքոյ կապիտալիստը աւելի շահաւէտ կը համարէր իր գործը թողնել: Հետեւաբար՝ գործաւորների վարձագները երբէք չեն կարող այնքան վեր բարձրանալ, որ հաւասարուէին իրենց արտադրածի արժէքին. վարձագները գործաւորի արտադրածի արժէքից միշտ վարպիտի լինին, որպէսզի աւելցուք, յաւելեալ արժէք մնայ. աւելցուքի, յաւելեալ արժէքի բարգաւաճումն է որ կապիտալիստին մղում է աշխատանքի ուժը դնելու: Բացառապէս յայտ է, Հետեւաբար, որ կապիտալիստական սխտէմի մէջ գործաւորների վարձագները երբէք այնքան վեր չեն բարձրանալ, որպէսզի վերջ տրուէր աշխատանքի շահագործմանը:

#### ԿԱՊԻՏԱԼԻՍՏԻ ԻՒՐԱՅՐԱԾ ԱՒԵԼՑՈՒՔԻ ՉԱՓԸ

Կապիտալիստ դասակարգի իւրացրած յաւելեալ արժէքը, աւելցուքը աւելի շատ է, քան սովորաբար կար-

գործութեանց մէջ գործածուող ամբողջական կապիտալի մօտաւորապէս 100ին 24ը: Միւս կողմից տարազագործ կապիտալիստների դուռ շահը - իրենց բոլոր ծախքերը, հարկերը, վերաշինութեան համար ծախսուածները և այլն դուրս հանելուց յետոյ - հասած էր մօտաւորապէս \$ 1,930,000,000: Հետեւաբար տարազագործ և մեքենաների վրայ աշխատող գործաւորները մէկ տարուան մէջ արտադրել են, իրենց սեպհական սնունդից դուրս, գործարանական գնով, դուռ արժէք 346,000,000 դօլար աւելի քան միևնոյն մեքենաների ամբողջական արժէքը, որոնց միջոցով որ նրանք շահագործուել էին և որոնց պատճառով նրանք և նրանց սերունդները ստրկացման մէջ պիտի պահուին՝ մինչեւ որ կապիտալիզմը ջնջուի:

Սոց. Օրացոյց



ծըւում է (3)։ Գործաւորի արտադրած յաւելեալ արժէքը, աւելցուք ոչ միայն տարադագործի (Manufacteur) «չափն» է հանում, այլ և ուրիշ շատ դումարներ էլ, որոնք արտադրութեան և փոխանակութեան ծախքերի մէջն են մտնում։ Յաւելեալ արժէքը հանում է, օրինակի համար, տանը վարձքը, փոխառութիւնների տոկոսը, վարձագները, վաճառականի շահը, հարկերը, ևն։ Այս բոլորը պիտի գոցուի յաւելեալ արժէքով։ Ահներև է որ այդ յաւելեալ արժէքը մեծաքանակ պիտի լինի, եթէ մի գործ «պէտք է վճարուի»։ Գործաւորի շահագործումը շատ մեծ պիտի լինի, եթէ նոյն իսկ վարձագները շատ բարձր լի-

(3) Միացեալ Նահանգների մարդահամարական իւրաքանչիւր երեք շրջանները (1870, 1880 և 1890) ցոյց տուին որ կապիտալիստ դասակարգը, իր ընտանիքի բոլոր անդամները միասին առնելով — մարդ, կին և երեխաներ — կազմում է ամբողջ ազգաբնակչութեան մի աննշան մասը։ Թէեւ այդ դասակարգը ազգաբնակչութեան հազիւ մէկ հարիւրերորդ տոկոսն է կազմում, բայց իր հարստութեան աճեցումը ահագին է։ Բացի շատ փոքր թիւ բաժնեգներէց եւ բաժնետոմսերից, որ իրենց ձեռքին ունին միջակ և պրօֆեսիօնալ դասակարգերը, կապիտալիստների սեպհակալնութիւնն է բոլոր երկաթուղիները, հեռագրալարերը, նաւային գործը, դրամատները, հանքերը և այն ամբողջ մեծ ճարտարագործութիւնը, որ ընդհանրապէս վարում են մեծ ընկերութիւնները։ Կապիտալիստ դասակարգն ունի բոլոր մթերանոցները և դիզուած ապրանքների հազարի շտեմարանները, որոնք սպասում են օրը օրին ապրող մանր վաճառականների պահանջին։ Կապիտալիստներին են նաև բոլոր արժէքաւոր գործերը, քաղաքների մէջ եղած գետիները, պալատանման տները, ահագին տարածութեամբ վարելահողերը, որ մշակում են ագարակապանների ձեռքով, նոյնպէս և գեղարուեստական հաւաքածուները, ճոխ կահ կարասիք, մեծածախ հանդերձեղէններ ևն։ Վերջերս կապիտալիստ դասակարգը պահանջատէր դարձաւ քաղաքապետութիւնների, Նահանգների և շատ մասնաւոր անձնաւորութիւնների — ագարակապաններ, վաճառականներ, փոքր հողատէրեր ևն. — որոնք պատկանում են միջին դասակարգին։

նէին։ Պարզ է, որ գործաւորի վարձագինը երբէք այնքան վեր չի բարձրանալ, որ նոյն իսկ մօտաւորապէս հաւասարուի իր արտադրածի արժէքին։ Ամէն հանգամանքների ներքոյ՝ կապիտալիստական սիստէմի վարձագինը նշանակում է գործաւոր դասակարգի ծայրայեղ շահագործումն։ Անկարելի է այդ շահագործումը ջնջել, առանց նախապէս նոյն այդ սիստէմը ջնջելու (4)։

ԱՉԻՅՑՈՒԹԻՒՆՆԵՐԸ, ՈՐՈՆՔ ՎԱՐՁԱԳՆԵՐԸ ԲԱՐՁՐԱՑՆԵԼՈՒ ԿԱՄ ՑԱՏՐԱՑՆԵԼՈՒ ՄԻՏՈՒՄՆ ՈՒՆԻՆ

Սակայն վարձագները երբէք չեն հասնում այն բարձրագոյն կէտին, որին պիտի հասնէին, նոյն իսկ այս հանգամանքների ներքոյ։ շատ անգամ վարձագները ամենացածր կէտին մօտիկ են հասնում, քան բարձր։ Վարձագները ամենացածր կէտին հասնում են այն ժամանակ, երբ այլեւս բաւականութիւն չեն տալիս գործաւորի ամենակենսական պէտքերին, երբ ոչ միայն գործաւորը սովամահ է լինում, այլ սովամահ է լինում արագ, երբ այլեւս գործ չկայ։

(4) Վերելի ցուցակից երեւում է որ 1890 ին Պլուտոկլերատիք (կապիտալիստ) դասակարգը, որ ներկայացնում էր Ամերիկայի ազգաբնակչութեան նուազ քան հարիւրին մէկ ու կէսը, իր ձեռքին ունէր ամերիկեան աշխատանքի արտադրած ամբողջ հարստութեան, հարիւրին 64ը։

Միջին դասակարգը, որ կազմում է ազգաբնակչութեան հարիւրին 37½ը, ունի այս երկրի ամբողջ հարստութեան 100ին 24½ը

Պրօֆեսիօնալ դասակարգը, ներկայացնելով ազգաբնակչութեան 100ին 6ը, ամբողջ հարստութեան գրեթէ 100ին 4ն ունի։

Գործաւոր դասակարգը ներկայացնում է ազգաբնակչութեան 100ին 55 մասը, և ունի ամբողջ հարստութեան, մօտաւորապէս, 100ին 4ը։

Դիտողութեան արժանի է և այն, որ գործաւոր դասակարգի ունեցած 100 ին 4ը, ըստ մեծի մասին բաղկանում է փճացուելիք հարստութիւնից, ինչպէս են գործիքներ, տրնային իրեղէններ, հազնելիք հանդերձեղէններ, որոնք բոլորն էլ միայն գործածութեան արժէք ունին և ոչ թէ փոխանակութեան։  
Սօց. Օոսցոյց

վարձագները ճօճուում են այս երկու ծայրայեղութիւնների մէջ, ցածր կէտին են հասած լինում, երբ արդէն գործաւորը իր ամենակենսական պիտոյքներից զրկուած է. որքան որ աշխատանքի վաճառանոցի մէջ ծախու աշխատանքի աւելի մեծ մթերք կայ, այնքան էլ աւելի թեթեւ է գործաւորի ընդդիմադրական ընդունակութիւնը:

Ընդհանրապէս, վարձագները բաւականին բարձր պիտի լինին, որպէսզի գործաւորին աշխատելու վիճակին մէջ պահեն կամ, աւելի ճիշդը խօսելով, վարձագները բաւականին բարձր պիտի լինին, որպէսզի կապիտալիստի համար ապահովեն աշխատանքի ոյժի այն քանակը, որին որ նա կարիք ունի: Ուրիշ խօսքով՝ վարձագները բաւականին բարձր պիտի լինին, որպէսզի ոչ միայն գործաւորին աշխատելու, այլ և զբաւակներ արտադրելու դրութեան մէջ դնեն, որպէսզի այս վերջիններս կարողանային իրենց հօրը փոխարինել: Այս տեղից հետեւում է, որ ճարտարագործական զարգացումը այնպիսի մի միտումն ունի, որ շատ հաճելի է կապիտալիստին, այսինքն. ցածրացնել գործաւորի կենսական անհրաժեշտութիւնները, որպէսզի նրա վարձագին էլ այն համեմատութեամբ ցածր լինի:

**ՄԵՔԵՆԱՆԵՐԸ ԿԱՊԻՏԱԼԻՍՏ ԴԱՍԱԿԱՐԳԻՆ ՄԻՋՈՅ ԵՆ ՏԱԼԻՍ ԿԱՆԱՆՑ ԵՒ ԵՐԵՎԱՆԵՐԻՆ ՇԱՀԱԳՈՐԾԵԼՈՒ**

Կար մի ժամանակ, երբ վարժութիւնը և ոյժը գործաւորի համար անհրաժեշտ էին: Սովորելու, աշկերտութեան շրջանը այն ժամանակը երկար էր, մեծացնել էլ բաւականին ծախքերի էր կարօտում: Սակայն այժմս աշխատանքի բաժանման և մեքենայական սիստէմի յառաջադիմութիւնը հետզհետէ աւելորդ են դարձնում ոյժը և վարժութիւնը արտադրութեան մէջ, աշխատանքի բաժանման և մեքենայականութեան սիստէմի յառաջադիմութիւնը հնարաւորութիւն են տալիս, որ անվարժ և արժան գործաւորները վարժութեան տեղը բռնեն: Տարազագործութեան նախկին շրջանների մէջ այս միտումը նշմարելի է, բայց մանկահասակ կանանց և երեխաների — այդ անօգնականներից ամենամանօգնականների շահագործումը — ամբողջական շահագործումը սկսուեցաւ այն ժամանակ, երբ արտադրութեան մէջ մտան մեքենաները: Այսպիսով մեքենաները մի նոր և զարմանալի յատկութիւն են զարգացնում կապիտալիստի ձեռքի մէջ:

Սկզբներում, վարձագնով աշխատողը բաւականին բարձր վարձագին էր ստանում, և նրանով ծածկում էր թէ իր սեպհական և թէ իր ընտանիքի ծախքերը. եւ այդպիսով նա կարողանում էր զաւակներ ունենալ ու իր աշխատանքի ոյժը ուրիշներին կտակել: Առանց վարուեցողութեան այդպիսի եղանակի, կապիտալիստների ժառանգները շահագործման համար պատրաստի պրօլետարներ չէին գտնիլ:

Երբ, սակայն, գործաւորի կինը և դեռահաս երեխաները կարող են իրենք իրենց մասին հոգալ, այն ժամանակ գործաւորի վարձագինը ապահովաբար կարելի է վար իջեցնել՝ իր անձնական կարիքներին բաւականութիւն տալու չափ, և այդ անելով՝ կապիտալիստը թարմ աշխատանքի ոյժի մթերքի պակասութիւն չի զգալ:

Բացի դրանից, կանանց և երեխաների աշխատանքը յաւելումով անկան այն առաւելութիւնն է տալիս, որ նրանք մարդկանց չափ ընդդիմադրութիւն չեն ցոյց տալիս և գործաւորների շարքերի մէջ նրանց առնելը մեծապէս բազմացնում է վաճառանոցի մէջ ծախու հանուած աշխատանքի քանակութիւնը (5):

Հետեւաբար, կանանց և երեխաների աշխատանքը ոչ միայն իջեցնում է գործաւորի կենսական անհրաժեշտութիւններին բաւականութիւն տալու միջոցները, այլ և պակասեցնում է նրա ընդդիմադրութիւնը՝ աշխատանքի շուկային մէջ մեծ մթերք յառաջացնելով. շնորհիւ այս երկու հանգամանքների, ահա, կանանց և երեխաների աշխատանքը իջեցնում է գործաւորի վարձագինը:

ԳԼՈՒԽ Գ.

**ՊՐՕԼԵՏԱՐԵԱՆ ԸՆՏԱՆԻՔԻ ՔԱՅՔԱՅՈՒՄԸ**

ԿՆՈՋԱԿԱՆ ԱՇԽԱՏԱՆՔԸ ՃԱՐՏԱՐԱԳՈՐԾՈՒԹԵԱՆ ՄԷՋ՝ ՔԱՅՔԱՅՈՒՄ Է ԳՈՐԾԱՒՈՐԻ ԸՆՏԱՆԵԿԱՆ ԿԵԱՆՔԸ

Կնոջ աշխատանքը՝ արտադրութեան գործի մէջ՝ յայտարար նշան է գործաւորի ընտանեկան կեանքի ամբողջատարարը (5) Միացեալ Նահանգներում 1870ին գործող կանանց թիւն էր 1,645,188: Այդ թիւը 1890ին բարձրացաւ 3,712,144ի, կը նշանակէ թէ՛ 20 տարուայ ընթացքում, աճումը եղել է 2,066,956:

Սօց. Օրացոյց

կան քայքայմանը, առանց այն փոխարինելու ընտանեկան յարաբերութեան մի ալլ աւելի բարձր ձեւով: Արտադրութեան կապիտալիստական սիստէմը ոչ միայն ընդհանուր կերպով քայքայում է գործաւորի տունը, այլեւ խլում է նրա ընտանեկան կեանքի բոլոր ուրախ կողմերը եւ թողնում է միայն խաւարը, տխուրը: Կնոջ գործունէութիւնը ճարտարագործական գործերի մէջ, այսօր, նրա համար չի նշանակում ազատութիւն տնային պարտականութիւններից, այլ՝ ընդհակառակը, նրա առաջուան բեռի աւելի ծանրացումն: Բայց մենք չենք կարող երկու տիրոջ ծառայել: Գործաւորի տունը վնասուում է, երբ իր կինը ստիպուում է օգնել օրական հացը ճարելուն համար: Ներկայ ընկերութիւնը իմ քանդած անհասակաւ տան եւ ընտանիքի տեղը դնում է արգանակատներ եւ ցերեկուայ ապաստանարաններ, ուր ստորին դասակարգերին նետուում են հարուստների ֆիզիքական եւ մտաւոր սնունդի աւելացած փշրանքները:

**ԿԱՊԻՏԱԼԻՍՏ ԴԱՍԱԿԱՐԳԸ ՁԱՆՔ Է ԱՆՈՒՄ ԲԱՆԴԵԼՈՒ ԸՆՏԱՆԻՔԸ**

Սօցիալիստներին մեղադրում են, իրրեւ թէ նրանք իաք ունին ընտանիքը քանդելու: Մենք դիտենք՝ որ արտադրութեան ամէն միջոց ունեցել է ընտանիքի մասնաւոր ձեւ, որին համապատասխանել է ընտանեկան յարաբերութեան մի մասնաւոր սիստէմ: Ներկայումս գոյութիւն ունեցող ընտանեկան ձեւը մենք չենք համարում որպէս ամենաբարձրը եւ ո՛չ էլ վերջնականը. մենք ակնկալում ենք որ ընկերային նոր եւ բարեփոխած մի սիստէմ դեռ կարող է զարգացնել ընտանեկան յարաբերութեան մի նոր եւ աւելի բարձր ձեւ: Բայց այս հայեացքը ունենալը շատ տարբեր է ընտանեկան բոլոր կապերը լուծելու ջանքից: Նըրանք՝ որոնք իրօք քանդում են ընտանեկան կապերը - որոնք ոչ միայն ցանկութիւն ունին քանդելու, այլ իրականօրէն քանդում են՝ ուղղակի մեր աչքին առաջ - ոչ թէ սօցիալիստներն են, այլ իրենք կապիտալիստները: Սրանից առաջ շատ ստրկատէրեր ամուսնուն բաժանել էին կնոջից, ծնողները՝ չափահաս զաւակներից, բայց կապիտալիստները ստրկութեան նողկանքներից աւելի առաջ գնացին, նրանք ծծկեր մանկանը իր մօրից բաժանեցին եւ ստիպեցին մօրը, որ իր կաթնակերին օտար ձեռքերի մէջը նե

տի: Եւ մի ընկերութիւն, որի մէջ ամէն օր հարիւր հազար այսպիսի դէպքեր են պատահում, մի ընկերութիւն, որի “բարեգործական” հաստատութիւնները նպատակ ունին աւելի դիւրացնելու մօր բաժանումը իր ծծկեր զաւակներից, դեռ այդպիսի մի ընկերութիւն աներեսութիւն ունի մեղադրելու սօցիալիստներին՝ իրրեւ քայքայողներ ընտանիքի, եւ այդ էլ միայն նրա համար, որ սօցիալիստները իրենց կարծիքը հիմնում են այն իրողութեան վրայ, թէ “ընտանիքը” միշտ եղել է արտադրութեան սիստէմի անբարդարձներից մէկը, եւ նրանք կանխատեսում են, որ արտադրութեան սիստէմի ապագայ փոփոխութիւններից պիտի յառաջանայ ընտանեկան յարաբերութեան մի ուրիշ աւելի կատարեալ սիստէմ (7):

**ԳԼՈՒԽ Գ.**

**ԱՆՐԱՐՈՅԱԿԱՆՈՒԹԻՒՆ**

**ԱՐՏԱԴՐՈՒԹԵԱՆ ԿԱՊԻՏԱԼԻՍՏ ՍԻՍՏԷՄԸ ՄՂՈՒՄ Է ԴԵՊԻ ԱՆԲԱՐՈՅԱԿԱՆՈՒԹԻՒՆ**

Ընտանեկան կապերի մասին եղած մեղադրութեան հետ սօցիալիստներին մեղադրում են և՛ այն բանի համար, որ նրանք, իրրեւ թէ, ձգտում են կանանց համայնութեան, բոլորին պատկանելուն: Այս ամբաստանութիւնը նոյնքան սխալ է, որքան եւ առաջինը: Ընդհակառակը՝ սօցիալիստները կանանց համայնութեան ճիշդ հակառակ կողմն են պաշտպանում, ինչպէս եւ դէմ են սեռական ամէն տեսակ ճնշումի ու չափազանց սանձարձակութեան, այսինքն՝ Սօցիալիստ Հանրապարութեան մէջ ամուսնական յարաբերութեանց հիմունքը կը լինի իդէալական սէրը եւ մաքուր

(7) Միացեալ Նահանգներում, 1896ին, 5-18 տարեկան դպրոցական երեխաների թիւը եղել է 20,865,000: Միջին հաշուով դպրոց յաճախել են միայն 9,747,000ը, կամ 100ին 46,7ը: Դպրոցական տարին ամբողջ Միացեալ Նահանգների համար եղած է 140 օր: Այս տեղից պարզ կարելի է եզրակացնել որ տղիտութիւնը մեծ աստիճանով տարածուում է կացնել որ տղիտութիւնը մեծ աստիճանով տարիքի մէջ Միացեալ Նահանգներում եւ վերեւ յիշուած տարիքի մէջ գտնուող պատանիները տարուայ մեծ մասը գործում են հանքերի եւ ուղեղ ցամքեցնող աշխատութիւնների մէջ եւ այդպիսիների թիւը՝ հաւանականօրէն՝ 5,000,000ից աւելի է:

սէրը կարող է գոյութիւն ունենալ միայն ընկերային այդ-  
պիսի սիստէմի մէջ: Դրա հակառակը՝ ի՞նչ ենք տեսնում  
կապիտալիստների կողմում:

Նորագոյն արտադրութեան անբանաւոր սիստէմը բաժան  
բաժան է անում սեռերին: Այդ սիստէմը կըն քաղաքներ  
(she-towns) է կառուցանում Նոր Անգլիայում եւ այդ-քա-  
ղաքներ (he-towns)՝ Պենսիլուանիայի, Իլլինոյիզի, Օհայոյի  
հանքային շրջաններում եւ Արեւմտեան հեռաւոր նահանգ-  
ներում, ու այդ եղանակով ինքնուրուի խրախուսում եւ  
թելադրում է անբարոյականութիւնը՝ որպէս մի բնական  
ու անխուսափելի հետեանք: Բացի դրանից՝ անօգնական  
կիները, որ ստիպուած են իրենց ապրուստը հայթայթել  
գործարանների, խանութների եւ հանքերի մէջ աշխատե-  
լով, կապիտալիստի ընչաքաղցութեան որսն են դառնում,  
կապիտալիստը օգտուելով կանանց անփորձառութիւնից,  
իրենց գոյութիւնը պահելուց շատ նուազ վարձագին է  
առաջարկում նրանց, եւ դրանով ակնարկում է կամ նոյն  
խսկ աներեսարար մատնանիչում է նրանց՝ անբարոյականու-  
թեան դիմելու, որպէս մի միջոցի իրենց եկամուտը աւելա-  
ցնելու: (8)

Այն ամէն տեղ՝ ուր ճարտարագործութեան մէջ աշ-  
խատող կանանց թիւը շատ է, շատ է նաեւ անբարոյակա-  
նութիւնը: Նորագոյն Պետութեան մէջ՝ ուր քարոզում է  
քրիստոնէութիւնը եւ բարեպաշտութիւնը յարգանք է վա-  
յելում՝ ճարտարագործութեան շատ « բարգաւաճ » ճիւղեր

(8) Թէ ինչու համար այդ դառն իրականութիւնը, այդ  
բանը հասկանալու համար՝ պէտք է միայն նկատողութեան  
առնել այն ամենաչնչին վարձագները որ ստանում են գոր-  
ծաւորուհիների մեծ մասը. որովհետեւ ստացուած այդ վար-  
ձերով երբէք չի կարելի ապրել, ուստի նրանք ստիպուած  
են անբարոյականութեան դիմելու, որպէսզի այդ միջոցով  
յաւելում բերեն իրենց վարձագների վրան: Շատ կապիտա-  
լիստներ այնքան լպիրջ են, որ վարձագների ցածութիւնը  
արդարացնում են՝ մատնանիչելով վարձատրութեան այդ  
միջոցը: Այդ է դրութիւնը բիւրաւոր կար անող աղջիկնե-  
րի, դերձակուհիների եւ նորթիկների (մօղիստ), ինչպէս  
եւ ամէն տեսակ գործարանների մէջ աշխատող կանանց:  
(կինը՝ Անցեալում, Ներկայում եւ Ապագայում, հեղ. Բէբէյի)

կան, որոնց մէջ կանայք այնքան քիչ են վարձատրում,  
որ պիտի ստիպուէին սովամահ լինել, եթէ իրենք իրենց  
անբարոյականութեան տուած չլինէին եւ, որ զարմանալի է  
է, այդպիսի պարագաներում կապիտալիստը յաճախ կըրկ-  
նում է, որ փոքր վարձագները անհրաժեշտ են, որպէսզի  
ինքը կարող լինի յաջողութեամբ մրցել վաճառանոցի մէջ  
եւ իր հաստատութիւնը « բարգաւաճ », դրութեան մէջ  
պահի: (9)

ԿԱՊԻՏԱԼԻՉՄԻ ՆԵՐՔՈՅ ԱՆԲԱՐՈՅԱԿԱՆՈՒԹԻՒՆԸ  
ԸՆԿԵՐՈՒԹԵԱՆ ՄԻ ՍԻՒՆՆ Է ԴԱՌՆՈՒՄ

Անբարոյականութիւնը նոյնքան հին է, որքան որ հա-  
րուստի եւ աղքատի միջեւ եղած հակադրութիւնը: Մի ժա-  
մանակ, սակայն, անբարոյական կանայք միջին դասակարգն  
էին կազմում մուրացկանների եւ գողերի միջեւ ու լսկ  
պերճանքի առարկաներ էին եւ նրանց չքացումը երբէք չէր  
վտանգիլ ընկերութեան գոյութիւնը: Բայց այսօր դեանա-  
խըղիկների մէջ ապրող իգական սեռը միայն չէ անբարոյա-  
կանութեան անձնատուր եղողը, այլ գործող, աշխատող կա-  
նայք, որոնք դրամի համար ստիպուած են իրենք իրենց  
ծախել: Այս վերջին տեսակ վաճառքը այլ եւս պերճանքի  
նիւթ չէ, այլ եղած է մէկը այն հիմունքներից, որի վրայ  
առաջ է գնում ճարտարագործական արտադրութիւնը: Ար-  
տադրութեան կապիտալիստ սիստէմի ներքոյ՝ անբարոյակա-  
նութիւնը դառնում է ընկերութեան մի սիւնը: Ինչ բանի համար  
որ ընկերային ներկայ սիստէմի պաշտպանները սխալ կեր-

(9) Տարէց տարի գոյութեան կռիւը աւելի ու աւելի  
վայրագ բնաւորութիւն ստանալով՝ յաճախ ստիպում է  
մարդկանց եւ կանանց այնպիսի գործեր կատարելու, որոն-  
ցից նողկանք կզգային նրանք ուրիշ ժամանակներում: Օրի-  
նակի համար Գերմանիայի Միւնխէն քաղաքում, 1877-ին,  
ստուգուեցաւ որ ոստիկանութեան հսկողութեան ներքոյ ար-  
ձանագրուած անբարոյական կանանց 203ը աւուրչէքով աշ-  
խատողների եւ արհեստաւորների կանայք էին: Եւ ո՞րքան  
ամուսնացած կանայք անօթութիւնից ստիպուած անբարո-  
յականութեան գիրկն են նետում, առանց ոստիկանական  
հսկողութեան, մի բան որ մարդկային ամօթի եւ արժա-  
նապատութեան ամէն զգացում ոտքի տակ է սալիս: (Կի-  
նը՝ Անցեալում, Ներկայում եւ Ապագայում):

կերպով մեղադրում են սօցիալիստներին, նոյն այդ բանի համար հէնց իրենք են յանցաւորները. — կանանց համայնութիւնը կապիտալիստ սիստէմի բնորոշիչ գծերից մէկն է: Արդարեւ, կանանց համայնութեան այս սիստէմը այնքան խոր արմատ է ձգել նորագոյն ընկերութեան մէջ, որ նրաներկայացուցիչները համաձայնում են յայտարարելով՝ որ անբարոյականութիւնը անհրաժեշտ մի բան է: Նրանք չեն կարողանում հասկանալ, որ պրօլետարիատի ջնջուելով՝ ջնջւում է եւ անբարոյականութիւնը: Նրանք այնքան խորն են ընկղմուած մտաւոր լճացման մէջ, որ ընկերային մի սիստէմ չեն կարող յղանալ առանց կանանց համայնութեան:

Բայց այս էլ թող լաւ հասկացուի, որ կանանց համայնութիւնը ընկերութեան բարձրագոյն խաւերի գիւտ է եւ ոչ թէ պրօլետարիատի: Կանանց համայնութիւնը պրօլետարիատը չահագործելու եղանակներից մէկն է, ճիշդ սօցիալիզմի ասածին հակառակը:

ԳՂՈՒՍ Ե .

ՎՄԲԸԵԳՆՈՎ, ԵՇԽԵՏՈՂ, ՊՐՕԼԵՏԵ-  
ՐԻԵՏԻ ՆԵՒՆԵԿԱՆ ՕՐԵՐԸ

ԳՈՐԾԱՒՈՐ ԴՍՍԱԿԱՐԳԻ ԴՐՈՒԹԻՒՆԸ ԿԱՊԻՏԱ -  
ԼԻԶՄԻ ՆԱԽՆԱԿԱՆ ՕՐԵՐՈՒՄ

Արտագրութեան կապիտալիստ սիստէմը վարձազնով իր աշխատողները առաջին անգամ դուրս բերեց ծառայող դասակարգից, սպասաւորներից եւ թշուառներից: Նա այնքան կարիք չուներ կարող որքան որ չամբերող, չընդդիմադրող գործաւորների, որոնք արամադէր լինէին ամենայն խոնարհութեամբ ենթարկուելու մեծ մանարանների եւ հանքերի պահանջներին. իսկ այս վերջինները ապահովութեամբ առաջ կերթային միայն այն ժամանակ, երբ ամէն մէկ գործող, կենդանի կամ մեքենայ, ճշգրութեամբ յառաջ կրերէին այն բոլոր շարժումները, որոնց համար որ նրանք նշանակուած էին: Կապիտալիստների ձեռքի տակը եղող գործաւորները այդ բնաւորութեան տէրը լինելով՝ դրա համեմատ էլ կապիտալիստները որոշեցին վարուեցողութեան այն եղանակը, որին որ պիտի ենթարկուէին գործաւորները առ հասարակ: Աշխատանքը, որի ազնուացնող ազդեցութեանը վրայ կապիտալիստ բարոյագէտները եւ անտեսագէտները սիրում են

ներբողներ կարդալ, ոչ թէ պատուի եւ արժանաւորութեան աղբիւր դարձաւ ամբողջ պրօլետարիատի համար, այլ անարգութեան եւ նուաստացումի: Գործաւորների շքեղ-գլխագրեւը միջոց տուեց կապիտալիստին անսահման կերպով աշխատանքի ժամերը երկարացնելու: Եթէ կապիտալը չստիպուի, նա ո՛չ հանգստեան ժամանակ կտայ պրօլետարիատին եւ ոչ էլ ինքնազարգացմամբ պարագելու: Եւ եթէ կապիտալի պահանջների առաջը չառնուի, նա գործաւորին դէպի մահ կվարի:


Եթէ քնելու եւ աշխատելու ժամերի միջեւ մի քիչ հանգիստ է լինում, դա էլ հազիւ բաւականութիւն է տալիս գործաւորի ամենավաղանցուկ զուարճութիւններին եւ միջոց՝ որ նա ողբիլից ըմպելիքների շոգիին մէջ խեղդի իր թշուառութիւնը...: Մարդկանց եւ կանանց, չափահասների ու երեխաների միատեղ աշխատելը, — որ մտաւորական բարձրագոյն զուարճութեան եւ բարոյական բարձրացման աղբիւր կարող էր լինել բոլորի համար, եթէ առաջ տարւէր բախտաւոր, աղատ եւ խղճամիտ անձանց կողմից, — կապիտալի հանքերում եւ մանարաններում դարձաւ մի թարմ խթան անբարոյացման եւ ջլատող այն ազդեցութիւնների, որոնք ժանտախտի նման տարածուեցան պրօլետարիատի մէջ:

ԱՇԽԱՏՈՂ ՊՐՕԼԵՏԱՐԻԱՏԸ ՍԿԶԲՈՒՄ ԻՐ  
ԾՄԳՈՒՄԸ ԱՌԵԼ Է ԽՂԻԿՆԵՐԻ ԹՇՈՒԱՌՆԵՐԻՑ

Այս հանգամանքին պիտի վերագրել այն իրողութիւնը, որ կապիտալիստական մեծ արտադրութեան նախնական օրերում աշխատող պրօլետարիատը հազիւ թէ կարելի լինէր տարբերել խղիկների թշուառներից: Թէ առաջինը որ աստիճան թաղուել էր ոճրագործութեան, արեցողութեան, գոհհիւստութեան եւ աղտեղութեան — ֆիզիքական եւ բարոյական — մէջ, դա ճշգրտօրէն երեւում է Ֆրեդերիկ էնգելսի՝ Գործաւոր Գիտութիւնը Անգլիայում՝ դասական երկից, որին դեռ եւ ոչ մի գրուածք գերազանցել է (10): Միացեալ՝ նահանգներում աշխատող պր-

(10) Փողոցները յաճախ այնքան նեղ են, որ մարդ կարող է մի տան պատուհանից ոտքը դնելով անցնել հարեւան տան պատուհանը. տները իրարու վրայ այնքան դիզւած են, յարկ յարկի վրայ բարձրացած, որ հազիւ լցա

57248-99-8125



բօլետարիատը եւրոպայի իր եղբայրների չափ փորձառութեան դառնութիւններ չունեցաւ: Ծնորհիւ Միացեալ-Նահանգների պայմանների, շնորհիւ այն հանգամանքի, որ Հահագործուող դասակարգի սերունդները շատ դանդաղ կերպով բազմացան այն ժամանակից առաջ, երբ դեռ կապիտալիստական մեծ արտադրութիւնը իր թեւերը չէր բաց արել Ամերիկայում, — խղիկների թշուառների համեմատութիւնը Միացեալ-Նահանգներում աշխատող պրօլետարների թւոյն հետ ա՛յնքան շատ չէր, ինչպէս եւրոպայում, որպէսզի պրօլետարներին նուաստացնէր՝ խղիկների թշուառների աստիճանին հասցնելու չափ: Բայց այնուամենայնիւ, իր դասակարգային արժանապատուութեամբ զգեցուած՝ աշխատող պրօլետարիատը, համեմատաբար նորագոյն թուականների պատմական մի երեւոյթ է, նոյնիսկ Ամերիկայում:

ԳԼՈՒԽ 2.

ԳՈՐԾԱՒՈՐ ՊՐՕԼԵՏԱՐԻԱՏԻ ԲԵՐՉՐԵՅՈՒՄՆ

Կապիտալիստ արտադրութեան պատմութեան մէջ կար մի ժամանակ, երբ «պրօլետարիատ» բառը ծայրայեղ նըկարող է թափանցել բազմա կամ նրբափողոցները: Բազաքի այդ մասում ոչ կոյուղի կայ, ոչ ներուրդ եւ ոչ էլ արտաքնոյններ տներին պատկանող: Հետեւաբար ամէն տեսակ թափթփուք, աղբ եւ առնուազն հինգ հազար անձանց արտաթորում ամէն գիշեր նետում են փողոցների եւ առուների մէջ: Այնպէս որ չնայելով փողոցների աւլուելուն, չորցած աղտեղութեանց եւ ապականութեանց այն տեսակ շոգիներ են ստեղծուում, որ ոչ միայն խտիւ վիրաւորում են մարդու տեսութիւնը եւ հոտառութիւնը, այլ եւ մեծապէս ֆիսսում բնակիչների առողջութեանը... Աղքատների տները, ընդհանրապէս, աղտոտ են եւ ակներեւ է որ երբէք էլ չեն մաքրուում: Այդպիսիների տները յաճախ բազկանում են մէկ սենեակից, օդափոխութիւնը վատ, ցուրտ, խոնաւ եւ գետնի մակերեւոյթից վար, շատ վատ կերպով կահաւորուած եւ բոլորովին անյարմար բնակութեան համար. իբրեւ անկողին ծառայում է յարդաշեղջը, որի վրայ պառկում են այր եւ կին, երիտասարդ եւ ծեր... մի դժպէտի դրութեան մէջ: (Էնգելսի Գործաւոր Դասակարգի Դրութիւնը Անգլիայում, «Մեծ Բազաքները» գլխից):

աստացման միտք ունէր: Նոյն իսկ այսօր կան շատ մարդիկ, որոնք այդ միեւնոյն դաղափարը ունին, թէեւ իրենք իրենց ժամանակակից մտքերով տագորուած են ձեւացնում: Սակայն դա մտածմունքի մի արգահատելի խառնաշփոթութիւն է: Առաջին ժամանակներում, որքան որ գործաւոր պրօլետարիատը և տնանկ — թշուառները արտաքին համանման շատ նշաններ էին ներկայացնում, այնուամենայնիւ, նոյնիսկ այն ժամանակները՝ նրանց երկուսի մէջ եղած վիճը շատ խորն էր:

Տնանկները շարունակեցին մնալ էպպէս նոյնը՝ պատմական բոլոր շրջաններում և ինչ սիստէմի ներքոյ էլ որ երևան եկան: Նիւ-Եօրքի, Չիկագօյի, Սան-Յորանչիսկօյի կամ մի որեւէ ազգարնակչութեան ուրիշ նորագոյն մեծ կեդրոնի տնանկները շատ դժուար է գանազանել Հին Հրոտովմի տնանկներից: Միւս կողմից՝ նորագոյն գործաւոր պրօլետարիատը մի առանձին երեւոյթ է, որ առաջ երբէք չի նշմարուել մարդկային ազգի պատմութեան մէջ:

ՏՆԱՆԿՆԵՐԻ ԵՒ ԳՈՐԾԱՒՈՐ ՊՐՕԼԵՏԱՐԻԱՏԻ ՄԻՋԵՒ ԵՂԱԾ ՀԱԿԱԴՐՈՒԹԻՒՆՆԵՐԸ

Տնանկների և կապիտալիստ արտադրութեան գործաւոր պրօլետարիատի միջեւ այն ահագին և հիմնական տարբերութիւնը կայ, որ առաջինները միշտ եղել են և տակաւին շարունակում են լինել մակարոյծներ, մինչդեռ վերջինները նորագոյն ընկերութեան զլխաւոր արմատներից մէկն են, — մի արմատ որ զարգանում է, ոչ միայն որպէս գերակշիւ կարեւորութիւն ունեցող, այլ որպէս միայնակը, որից ընկերութիւնը ստանում է իր ոյժը և օժանդակութիւնը: Գործաւոր պրօլետարիատը սեպհականազուրկ է, բայց ոչ թէ ողորմութիւն մուրացող մի տարր: Ոչ թէ ընկերութիւնն է որ պահում է պրօլետարիատին, այլ պրօլետարիատն է, որ իր աշխատանքովը պահում է ընկերութեանը: Բաւականին ճշմարիտ է այն, որ կապիտալիստ սիստէմի նախնական օրերում՝ գործաւոր պրօլետարիատը ինքն իրեն նկատում էր որպէս անկար — տնանկ (passer) մի դասակարգ, իսկ իրեն շահագործող կապիտալիստին համարում էր որպէս բարբար, գործ մատակարարող և, հետեւաբար, որպէս հաց սուող: Յայտնի բան է, նահապետական այս յարաբերութիւնը մեծապէս հաճելի է կապիտալիստներին. վճարուած

վարձագանքների փոխարէն նրանք տակաւին պահանջում են իրենց գործաւորներից ո՛չ միայն պայմանաւորուած աշխատանք, այլ նաեւ խոնարհութիւն ու երախտագիտութիւն:

Բայց կապիտալիստ սիստէմը երբէք չի կարող շատ յառաջ երթալ, առանց խախտելու սկզբում գոյութիւն ունեցող նահապետական պայմանները: Որքան էլ որ ստրկացած և տգէտ լինին գործաւորները ո՛ր և է ժամանակ, նըրանք՝ ուշ կամ կանուխ, հասկանում են որ իրենք են կապիտալիստներին հաց մատակարարողները և ոչ թէ կապիտալիստները իրենց: Նրանք շատ լաւ իմանում են որ երբ իրենք աղքատ են մնում կամ հետզհետէ աւելի են աղքատանում, ընդհակառակը՝ կապիտալիստը աւելի ու աւելի հարրտանում է: Եւ երբ իրենք հաց են խնդրում կապիտալիստից՝ այդ կարծեցեալ նահապետից, նա քար է առաջարկում:

Գործաւոր պրօլետարները նրանով են տարբերուում աշխանկներից. ծառայի ու սպասաւորի դասակարգերից, որ իրենք չեն ապրում շահագործողների կատարած շահագործութեան արդիւնքով, նրանք արտադրութեան նախկին սիստէմների գործաւորներից տարբերուում են նրանով, որ իրենք միտսին չեն ապրում և միտսին էլ չեն աշխատում իրենց շահագործողների հետ, և բոլոր անձնական կապերն ու յարաբերութիւնները, որ գոյութիւն ունէին առաջ այդ երկուսի միջեւ, ամբողջապէս շքացան ներկայ գործատէրի և գործաւորի միջից: Այժմեան գործաւորները ապրում են այնպիսի խեղճ բնակարանների կամ խարխուլ տների մէջ, որ նրանց տուն անուն տալը անուանարկութիւն է «տուն» բառի համար, մինչդեռ իրենք են որ պալատներ են կառուցանում իրենց շահագործողների համար. իրենք սովորած են լինում, մինչդեռ նրանց համար բազմատեսակ խորտիկներ են մատակարարում. իրենք ապրում են մերկ, մինչդեռ թանկագին հանդերձներ են պատրաստում նրանց համար. իրենք աշխատում, յոգնում են՝ մինչեւ որ վայր են ընկնում ու ժասպառ, իսկ կապիտալիստին եւ իւրայիններին միջոցներ են տալիս ժամանակը պարապութեան մէջ սպանելու:

Թէ ԻնՉՈՒԻ ԳՈՐԾԱՌՈՐ ԴԱՍԱԿԱՐԳԸ ԱՏՈՒՄ  
ԵՒ ԱՐՀԱՄԱՐՀՈՒՄ Է ՀԱՐՍՏԻՆ

Այս օրուայ գործաւոր եւ հարուստ տարրերի միջեւ եղած հակադրութիւնը շատ տարբեր է նախակապիտալիստական

տական օրերում եղող հարստի եւ խեղճ մարդու միջեւ եղած հակադրութիւնից. ինչպէս նաեւ շատ տարբեր՝ այսօրուայ կապիտալիստի եւ «փոքր մարդու», միջեւ գտնուող հակադրութիւնից: «Փոքր մարդը» նախանձում է հարուստ մարդուն, աքանչացմամբ է նայում նրա վրայ, որ իր իդէալն է կազմում, եւ նրա օրինակին ինքը կուզէր հետեւել. նա ցանկանում է այդ կապիտալիստի տեղը բռնել եւ նրա պէս մի շահագործող դառնալ ու մի բոպէ անգամ չի մտածում տապալելու շահագործման ներկայ սիստէմը: Գործաւոր պրօլետարիատը, ընդհակառակը, չի նախանձում արդի հարուստ մարդուն. չի ցանկանում նրա տեղը բռնել. այլ ատում եւ արհամարհում է նրան. ատում է նրան՝ որպէս շահագործող. արհամարհում է նրան՝ որպէս պորտաբոյծ: Առաջին անգամ գործաւոր դասակարգը ատում է միայն այն կապիտալիստներին, որոնց հետ ինքը ուղղակի յարաբերութեան մէջ է, բայց նա շուտով ըմբռնում է այն իրողութիւնը թէ նրանք բոլորն էլ նոյն դիրքը ունին դէպի իրեն, ուստի եւ իր ատելութիւնը, որ առաջ անձնական էր, դարգանում, դառնում է գիտակցական թշնամութիւն դէպի ամբողջ կապիտալիստ դասակարգը:

ԴԱՍԱԿԱՐԳԱՅԻՆ ԱՏԵԼՈՒԹԻՒՆԸ  
ՍՕՑԻԱԼԻՍՏ ՊՐՕՊԱԳԱՆԴԱՅԻ ԱՐԴԻՒՆՔ ԶԷ

Աշխատող պրօլետարիատի գլխաւոր նշաններից մէկն է՝ թշնամութիւն դէպի շահագործումն: Դասակարգային այս ատելութիւնը երբէք հետեւանք չէ սօցիալիստ պրօպագանդայի. նա նշմարուել է դեռ շատ ժամանակ առաջ, երբ սօցիալիզմի ազդեցութիւնը տակաւին զգալի չէր եղել՝ գործաւորների մէջ: Ընկերային նախնական սիստէմի ներքոյ՝ գործաւորների մէջ անկարելի էր դասակարգային այնպիսի լաւ զարգացած ատելութիւն, ինչ որ հիմա է. անձնական սերտ յարաբերութիւնները՝ որ գոյութիւն ունէին նրանց եւ իրենց «վարպետներ»ի (տէրերի) միջեւ՝ դասակարգային այդպիսի հակադրութեան ամէն միտք վտարում էին. վարպետի եւ իր ստորադասեալ անձնաւորութեանց մէջ թշնամութիւններ յաճախ կարող էին պատահել, եւ պատահում էին, բայց դա մի յայտնի աստիճանից այն կողմը չէր կարող անցնել, առանց իսկոյն եւ եթ արտադրութիւնը դադարեցնելու. եւ այդ թշնամութիւնները ինչ կէտի էլ

որ հասնէին, հետեւանքը միշտ հաշտութիւն էր լինում: Սակայն կապիտալիստ սիստէմի ներքոյ՝ գործաւորները կարող են ամենախիստ թշնամութիւն տածել դէպի իրենց գործատէրը, առանց որ արտադրութիւնը որ եւ է չափով դրանից վնասուէր եւ առանց որ այդ մասին գործատէրը որ եւ է բան գիտեսար:

Դասակարգային այս ատելութիւնը առաջին անգամ արտայայտուեցաւ երկշտ կերպով եւ կղզիացած օրինակներով: Եթէ բաւականին ժամանակ էր հարկաւոր որ գործաւոր պրօլետարիատը հասկանար՝ թէ մեծահոգութիւնը վերջին բանն է որ գործատիրոջը մղում է իրեն գործ տալու, ապա շատ աւելի երկար ժամանակ պէտք էր որ նա սիրտ առնէր և իր «վերակեցու»ի (բօս) հետ բացայայտ ընդհարումի մէջ մտնէր: (11)

Տնտեսաւարձանները վատեր են եւ նուաստներ, նրանք զգում են որ իրենք աւելորդ են եւ զիտեն որ նիւթական ո՛րեւէ ոյժ չեն ներկայացնում: Աշխատող պրօլետարիատն էլ սկզբում այդ միեւնոյն բնորոշիչ գծերն ունէր: Նա իր հետ եղած վատ վարուեցողութեան քէնը թէեւ պահում էր՝ բայց բողոքում էր լռելեայն, նա սեղմում էր բռունցքները իր գրպանների մէջ եւ հետեւանքը այն էր լինում, որ սրտամտութիւնը ինքն իրան դուրս էր թափուում, — ինչպէս որ, դժբախտաբար, այդ միեւնոյնն է լինում, դէս ու դէն, դեռ

(11) Նահապետական յարաբերութիւնը կեղծաւորաբար էր ծածկում գործաւորի ստրկութիւնը, այդ դրութեան մէջ գործաւորը մտաւորապէս մի զէրօ, մի պարզ անհատ և բոլորովին անգէտ պիտի մնար իր սեպհական շահերին: Սակայն երբ նա հեռացաւ իր գործատիրոջից, երբ համոզուեցաւ որ գործաւորի և գործատիրոջ միջեւ եղած միայնակ կապը դրամական շահի կապն է, երբ նրանց մէջ եղած զգացական կապը՝ որ ամենափոքր քննութեան իսկ չէր դիմանալ՝ բոլորովին լուծուեցաւ, գործաւորը այն ժամանակը միայն սկսեց ճանաչել իր սեպհական շահերը և անկախօրէն զարգանալ. նա միայն այն ժամանակը դադրեցաւ բուրժուազիայի ստրուկը լինելուց՝ իր մտածմունքներով, զգացումներով եւ կամքի արտայայտութեամբ: Իսկայս նըպատակին մեծապէս նպաստեց տարազագործութիւնը, մանաւանդ մեծ քաղաքների մէջ: (Գործաւոր Դասակարգի Դրութիւնը Անգլիայում, էջ 123):

չզարգացածների մէջ — եւ յառաջացնում էր անցուսպ կըրքերի արդիւնք եղող գործեր եւ ծածուկ ոճիրներ:

Գիտակցական ոյժի եւ ընդգիմադրութեան ոգու զգացումը ինքնին ծաւալեցաւ գործաւոր պրօլետարիատի մէջ միայն այն ժամանակ, երբ նա հասաւ այն հասկացողութեան թէ իր անդամներին եւ շարքերին իրարու հետ կապողը շահերի համայնութիւնը եւ համերաշխութիւնն է: Գործաւոր պրօլետարիատի բարոյական նոր ծնունդը սկսում է համերաշխութեան զգացումի ծնուելովը եւ այդ ժամանակից էլ սկիզբն է առնում իր բարձրացումը այն ճահիճից, որի մէջ ինքը սկզբում ընկղմուած էր՝ տնտեսի հետ միասին (12):

ԿԱՊԻՏԱԼԻՍՏ ԴԱՍԱԿԱՐԳԸ ԱՆԳԻՏԱԿՑՕՐԷՆ ԿԻՔՈՒՄ Է ԳՈՐԾԱՒՈՐ ԴԱՍԱԿԱՐԳԻՆ ԱՅՆ ՄԷԹՈՏՆԵՐԻ ՄԷՋ, ԻՆՉ ՈՐ ՊԱՀԱՆՋԻՈՒՄ Է ԿԱՊԻՏԱԼԻՉՄԸ ՏԱՊԱԼԵԼՈՒ ՀԱՄԱՐ

Կապիտալիստ սիստէմի ներքոյ կատարուող աշխատանքի պայմանները իրենք մատնանիչում են պրօլետարիատին անհրաժեշտութիւնը, որ նրանք ամուր կերպով միատեղ կանգնին, շարժուին որպէս մի մարմին եւ անհատը ստորադասին ամբողջին: Մինչդեռ ձեռնարուեստի դասական օրերում ամէն անհատ ինքն էր արտադրում մի ամբողջ՝ ապրանք՝ վաճառք. ընդհակառակը՝ կապիտալիստ ճարտարագործութիւնը հիմնուած է գործակցական աշխատանքի վըրայ: Կապիտալիստ ճարտարագործութեան մէջ անհատ գործաւորը ոչինչ չի կարող անել՝ առանց իր գործակից ընկե-

(12) Եթէ ազգարնակութեան կեդրոնացումը դրդում ու զարգացնում է սեպհականատէր դասակարգին, ապա այդ միեւնոյնը եւ՛ս աւելի արագօրէն նպաստում է գործաւորների զարգացմանը: Գործաւորները սկսում են զգալ որպէս դասակարգ, որպէս ամբողջութիւն և նկատել որ թէեւ իբրեւ անհատներ իրենք թոյլ են, բայց միացած՝ ոյժ են. նըրանց բաժանումը բուրժուազիայից յառաջացնում է մասնաւոր այնպիսի հայեացքներ, որոնք առանձնայատուկ են գործաւորների կեանքին, այնուհետեւ արթնանում է կրած ճնշման գիտակցութիւնը և գործաւորները ձեռք են բերում ընկերային ու քաղաքական կարեւորութիւն: (Գործաւոր Դասակարգի Դրութիւնը Անգլիայում, էջ 122):



րոջը : Եթէ գործաւորները սկսեն գործել միացած եւ մի որոշ յատակագծով՝ ապա իւրաքանչիւրի ընդունակութիւնը կը կրկնապատկուի եւ կեռապատկուի : Այսպիսով՝ միացած աշխատութիւնը ինքնին միութեան ոյժ է պտղաբերում եւ նրանց մէջ զարգացնում յօժարակամ եւ ուրախալի կարգապահութեան զգացմունքը — որոնցից երկուսն էլ նախընթաց անհրաժեշտ պայմաններ են գործաւոր դասակարգի համար՝ սօցիալիստական արտադրութեան տիրապետելուց առաջ . ինչպէս եւ երկուսն էլ անհրաժեշտ պայմաններ են, որպէսզի պրօլետարը յաջողութեամբ իր մարտը մղի կապիտալիստական շահագործման ներկայ սիստէմի դէմ : Եւ այսպէս, իրերի բերմունքով՝ կապիտալիզմը ինքնին կրթում է պրօլետարներին այն մէթօնների մէջ, ինչ որ պահանջուում է իրեն տապալելու համար եւ նրանց դաստիարակում է աշխատանքի մի սիստէմի համար, որ իրենցից կը պահանջուի սօցիալիստ ընկերութեան մէջ :

Աշխատանքի գործակցութիւնից, գուցէ, աւելի զօրաւոր կերպով գործի ներկայ պայմանների հաւասարութիւնն է, որ ձգտում է համերաշխել պրօլետարիատին : Կատարելագործուած նորագոյն մի մանարանի մէջ՝ գործաւորների միջեւ ո՛չ կարգի եւ ո՛չ էլ աստիճանաւորումի տարբերութիւն կայ : Բարձր պաշտօնները, սովորաբար, անմասնաշեղի են պրօլետարներին, յամենայն դէպս այդ տեսակ պաշտօնները այնքան քիչ են, որ բնաւ չեն կարող ազդեցութիւն ունենալ գործաւորական զանգուածի վրան : Շատ աննշան է թիւը այնպիսի գործաւորների, որոնք կարող են կաշառուել այդպիսի նպաստաւոր պայմաններից : Գործաւորների մեծամասնութիւնը աշխատանքի համանման դրութիւն ունի . անհատի համար ո՛չ մի կարելիութիւն չկայ ինքնին միայնակ վեր բարձրանալու . նա կարող է իր դրութիւնը բարւոտող ընկերակիցների դրութիւնը : Կապիտալիստը հասկացում է այդ իրողութիւնը եւ տեսնում նրա գործած ազդեցութիւնը իր մարդկանց վրան . ուստի փորձում է դրանց առաջն առնել՝ արուեստական տարբերութիւններ ներմուծելով իր մանարանների մէջ, որպէսզի այդպիսով երկպառայն մեծ արտադրութեան հաւասարեցնող ազդեցութիւնը եւ ուժը այն տեսակ է, որ այդպիսի ծրագրեր անկարող են

ամէն ժամանակ քանդել համերաշխութեան այն զգացմունքը, որ գոյութիւն ունի աշխատող պրօլետարիատի շարքերի մէջ : Որքան որ արտադրութեան կապիտալիստ սիստէմը երկար տեւի, այնքան աւելի ուժեղ կերպով կարտայայտուի պրօլետարիատի համերաշխութիւնը, այնքան աւելի զօրաւոր արմատներ կարձակի այդ համերաշխութիւնը եւ աշխատող պրօլետարիատի բնաւորութեան գերազանց մէկ մասը կդառնայ :

Տնանկ-աղքատների, սպասաւորների մէջ համերաշխութեան մտածմունք իս'կ չէր կարող լինել : Հին աւատական եւ Արհեստակցական-Ընկերութիւնների (Համքեարութիւն, guild) ժամանակն էր, որ գործակից-ընկերների (compagnon, journyman) միջից առաջին անգամ ծնուեց շահագործուող դասակարգի համերաշխութիւնը՝ ընդդէմ շահագործողների . բայց աշխատող նորագոյն պրօլետարիատի համերաշխութիւնը աւելի մեծ քայլերով յառաջ է գնացել, քան արտադրութեան նախկին սիստէմի ներքոյ շահագործուող դասակարգի համերաշխութիւնը : Ոչ հին եւ ոչ էլ նոր ժամանակի համերաշխութիւնները սահմանափակուեցան միայն մէկ եւ միեւնոյն տեսակ ճարտարագործութեան սահմանների մէջ . ինչպէս որ նորագոյն աշխատող պրօլետարիատը, նոյնպէս էլ Արհեստակցական-Ընկերութիւնների (Համքեարութիւն) օրերում եղող սկզբնատիպերը կամաց կամաց հասկացան այն իրողութիւնը, որ գործաւորը ամէն տեղ բաղխուում է նոյնատիպ հակառակորդի եւ ամէն տեղ էլ միեւնոյն շահերն ունի : Գործակից-ընկերոջ հաստատած ազգային հին կազմակերպութիւնները անհրաժեշտօրէն սահմանափակ էին, որովհետեւ Պետութիւնը կամ Ազգը, այն ժամանակ, դեռ մի անկատար յղացումն էր : Նորագոյն գործաւոր պրօլետարիատը միայն ազգայնապէս կազմակերպուած չէ, այլ նա իր հիմունքները շատ աւելի է ընդարձակել . ազգերի մէջ եղած բոլոր պատերազմներին եւ թշնամութիւններին հակառակ, նա՝ պրօլետարիատը կազմակերպուել է միջազգայնապէս . բոլոր երկրների գործաւոր պրօլետարիատները միացած են :

Ա.Ա.ՏԱԿԱՆՈՒԹԵԱՆ ԵՒ ԿԱՊԻՏԱԼԻՉՄԻ ՆԵՐՔՈՅ ԵՂՈՂ  
ԳՈՐԾԱՒՈՐՆԵՐԻ ՀԱՄԵՐԱՇԽՈՒԹԵԱՆ ՄԻՋԵՒ  
ԵՂԱԾ ՀԱԿԱԴՐՈՒԹԻՒՆՆԵՐԸ

Միջազգային կազմակերպութիւնների սկզբնաւորութիւններ արդէն կարելի է գտնել ընկեր — գործաւորների

(համաքարական) սկզբնական օրերում: Այդ օրերի շահագործուող դասակարգերը ցոյց տուին որ իրենք ընդունակ էին աղբային սահմաններից վեր բարձրանալ. բայց մի սահման, մի պատուար կար, որից նրանք վեր չէին կարող բարձրանալ — դա իրենց սեպհական Արհեստակիցների Ընկերութիւնն էր: Մի երկրի գլխարկադործ, օրինակի համար, իրեն համաշահ էր զգում ուրիշ երկրների գլխարկադործների հետ, սակայն իր երկրի հօշկակարները. դերձակները եւ ուրիշ գործաւորները իրեն համար օտարականներ էին համարում: Այդ ժամանակ դանազան Արհեստակցական — Ընկերութիւններ սուր գծերով էին իրարուց բաժանուած: Գործակից-ընկեր դառնալուց առաջ՝ գործաւորութեան մըտնել ուզողը երկար ժամանակ աշկերտութեան մէջ պիտի մնար եւ իր ամբողջ կեանքում հաւատարիմ պիտի լինէր իր պատկանած ընկերութեանը: Իր արհեստի ընկերութեան ոյժը եւ բարգաւաճումն իր սեպհականն էր. թէեւ գործակից-ընկերոջ շահերը, յայտնի աստիճան, հակառակ էին իր արհեստակից վարպետի շահերին. ինչպէս եւ միւս Արհեստակցական-Ընկերութիւնների վարպետների եւ գործակից-ընկերների շահերին: Արհեստակցական-Ընկերութիւնների ամենարարգաւաճ ժամանակի տեսարանը այն էր, որ դանազան Արհեստակցական-Ընկերութիւնների գործակից ընկերները կատաղի կռիւ էին մղում միմեանց դէմ: Արտադրութեան կապիտալիստ սիստէմը, ընդհակառակը, դանազան արհեստներ միասին է բերում եւ նրանց անլոյծ կերպով իրար խառնում: Կապիտալիստ մի հաստատութեան մէջ տարբեր արհեստի պատկանողները ընդհանրապէս միատեղ են գործում եւ միահաղոյն ջանքերով են դիմում դէպի հանրական մի նպատակ: Բացի դրանից՝ կապիտալիստ սիստէմը միտումն ունի արհեստի գաղափարն անդամ ջրնջել արտադրութեան մէջ, — մեքենան աշկերտութեան ժամանակը կարճացնում է մինչեւ մի քանի շաբաթուայ, մի քանի օրուայ, մինչդեռ դրա համար առաջ տարիներ էր պէտք. մեքենան կարելի է դարձնում որ շատ գործաւորներ առանց մեծ դժուարութեան մի զբաղումից միւսն են անցնում. նա յաճախ տեղահան է անում գործաւորներին եւ շատ անգամ էլ գործից նրանց դուրս նետում ու ստիպում ուրիշ գործ փնտռելու: Գործի, աշխատանքի ազատութիւնը, որ փղշտացիները (բուրժուաները) երկիւզ են

կրում կորցնելու սօցիալիստ ընկերութեան մէջ, դա այնպիսի մի բան է որ իր ամբողջ նշանակութիւնը արդէն կորցրել է ներկայ սիստէմի ներքոյ աշխատող գործաւոր դասակարգի համար:

ԿԱՊԻՏԱԼԻՉՄԻ ՆԵՐՔՈՅ ԳՈՐԾԱՌՈՐ ԴԱՍԱԿԱՐԳԻ ԲՈՂՈՐ ՀԱՏՈՒՄՆԵՐԸ ԻՐԱՐՈՒ ՀԵՏ ԿԱՊՈՒՄԾ ԵՆ

Այսպիսի հանգամանքների ներքոյ՝ ներկայ գործաւորի համար շատ դիւրին է բարձր կանգնել այն պատուարներից, որոնց առաջ կանգ առաւ նախկին գործակից-ընկերը: Հետեւաբար, նորագոյն աշխատաւոր պրօլետարիատի մէջ եղող համերաշխութեան զգացումը ոչ միայն միջազգային է, այլեւ նա տարածուում է ամբողջ գործաւոր դասակարգի վրան:

Տակաւին միջին դարերում վարձու աշխատանքի բազմաձեւութիւն կար. վարձագնով աշխատողների և նրանց շահագործողների մէջ եղած ընդհարումներն էլ նոր բաներ չեն. բայց երբ կապիտալիստ սիստէմի օրէնքը գործադրութեան մէջ մտաւ, միայն այն ժամանակն է որ վարձագրնով աշխատող, կռուող դասակարգի ծնունդը երեւան եկաւ. մի դասակարգ որ գիտակից լինելով իր շահերի համայնութեան՝ մինչեւ անգամ պատրաստ էր ոչ միայն իր անձնական, այլ նոյն իսկ տեղային ու անջատ արհեստների — որքան որ սա շարունակում է գոյութիւն ունենալ — շահերը ստորագասելու իր դասակարգային շահերին՝ իրրեւ ամբողջութիւն: Միայն մեր դարումն է որ վարձագնով աշխատողների, գործաւոր պրօլետարիատի կռիւները շահագործման դէմ՝ դասակարգային կռուի բնաւորութիւն են ստանում: Դրա շնորհիւն է որ այս կռիւները միտումն ունին հասնելու աւելի բարձր մի նպատակի, քան գոյութիւն ունեցող սիստէմի այս և այն քննադատելի կէտերը տեղափոխելու. և դրա շնորհիւն է որ Աշխատանքի Շարժումը դարձել է յեղափոխական մի շարժում:

Այս պայմանների ներքոյ՝ գործաւոր դասակարգի հորիզոնը յարաւերօրէն ընդլայնանում է: Դա ճշմարիտ է առաջին անգամ, ամենից աւելի, մեծ արտադրութեանց մէջ աշխատող պրօլետարիատի նկատմամբ. ինչպէս որ կապիտալի ճարտարագործական ձեւը հետզհետէ տիպար

է դառնում բոլոր կապիտալի եւ մինչեւ անգամ տնտեսական բոլոր ձեռնարկներին՝ կապիտալիստ ազգերի մէջ, նրմանապէս էլ մեծ արտադրութեանց մէջ աշխատող պրօլետարիատի մտածմունքները և զգացումները առաջնորդող են վարձագնով աշխատող ամբողջ դասակարգի մտածմունքներին և զգացումներին: Ինչպէս որ մեծ արտադրութեան ազդեցութիւնը արագօրէն տարածուում է ուրիշ տեսակ ճարտարագործութեանց մէջ, նոյնպէս էլ գործաւորների շարքերը, մէկը միւսից յետոյ՝ գիտակցութիւն են ձեռք բերում, որ իրենց բոլորի շահերը միեւնոյնն են:

Երկրորդ տեղը բռնում են այն գործաւորները, որոնք աշխատում են պարապմունքի ոչ-արտադրող ճիւղերի մէջ, — վաճառականութեան, հաղորդակցութեան, տեղափոխութեան, են: Վերջը գալիս է հողագործութեան մէջ վարձագնով աշխատող պրօլետարիատը, նրանք էլ վերջ ի վերջոյ պիտի հասկանան որ իրենց շահերը նոյնն են օրավարձով աշխատող ուրիշ գործաւորների շահերի հետ, եւ այդ գիտակցութիւնը նրանք այնքան արագ են ձեռք բերում, որքան որ կապիտալիստական մէթոտները աւելի են մուտք գտնում եւ վտարում մինչեւ ցարդ գործադրուած երկրագործութեան նահապետական ձեւերը, և, հետեւաբար, անխուսափելիօրէն ազարակապան ձեւերը պիտի ձեւափոխւին եւ դառնան օրավարձով աշխատող պրօլետարներ, որ անձնական ամէն կապ խզած են գործատիրոջ ընտանիքի հետ: Յառաջագիմութիւնը այս ուղղութեամբ, այս տեսակէտով՝ արդէն նկատելի է:

Այսպէս, գործաւոր դասակարգի բոլոր հատուածները աստիճան առ աստիճան կապուում են իրար հետ եւ բոլորն էլ վառուում են մեծ արտադրութեան մէջ գործող պրօլետարիատի ոգևով: Յարատեւ կերպով գործաւորական ամբողջ զանգուածը խմորում է ընկերակցութեան, կարգապահութեան ոգևով եւ դէպի կապիտալիստ դասակարգը տածում է այնպիսի թշնամութիւն, որ առանձնայատուկ է մեծ արտադրութեան մէջ աշխատող գործաւորներին, եւ բացի դրանից, այս յառաջագիմութեան հետ միատեղ, միանշաղթ ծարաւ դէպի գիտութիւնը, որ յառաջագիմական պրօլետարների ղեկավարիչ գծերից մէկն է, սոգորում է իրենց դասակարգերի բոլոր շարքերը:

Եւ այսպէս, արհամարհուած, հարստահարուած, անարգուած պրօլետարիատից հետզհետէ ծագում է պատմական մի ոյժ, որի առաջ դողում են գոյութիւն ունեցող բոլոր ուժերը: Այսպէս, կազմութեան պրօցեսի մէջ է մտած մի դասակարգ, որ իր հետ բերում է բարոյագիտութեան նոր օրէնսգիրք եւ նոր փիլիսոփայութիւն. մի դասակարգ, որ օրէց օր բազմանում է թուով, հոծութեամբ, իր միասիւյնի գիտակցութեամբ, իմացականութեամբ եւ դառնում է տնտեսական մի անհրաժեշտութիւն:

ԳլՈՒՆ Է.

**ՊՐՕԼԵՏԱՐԻԱՏԻՆ ԲԱՐՁՐԱՅՆՈՂ  
ՍՏՈՐԱՅՆՈՂ ՀԱՎԱՄԱՍԻՍՆԵՐԸ**

Պրօլետարիատի բարձրացումը իր նուստ գրութիւնից՝ անխուսափելի և բնական մի պրօցես (process, գործողութիւն, ընթացք) է. բայց այդ պրօցեսը ոչ խաղաղ է եւ ոչ էլ միաձեւ: Կապիտալիստ սիստէմի արտադրութեան միտումներն են գործաւորներին նուստացնել: Պրօլետարիատի բարոյական նորածնութիւնը պահանջում է հակամարտնչել այդ միտումների և դրանց նախապատճառ եզող կապիտալիստների դէմ: Իսկ այդ կարելի է անել միայն բաւականաչափ գօրեղացնելով այն հակամիտումները, որոնք ծնուած են պրօլետարիատի բանակի նոր պայմաններից, այն պայմաններից՝ որոնց ներքոյ որ գործաւոր դասակարգը շարաչար աշխատում և ապրում է: Սակայն կապիտալիստ սիստէմի նուստացնող միտումները տարրեր են զանազան շրջանների, տեղերի և ճարտարագործութիւնների մէջ. ստորացնող այդ միտումները կախումն ունին վաճառանոցի դրութիւնից, զանազան հաստատութիւնների մէջ եղած մրցման չափից, ճարտարագործութեան զանազան ճիւղերի մէջ՝ մեքենայականութեան զարգացման հասած աստիճանից, պարզութեան այն ծաւալից և չափից, որով կապիտալիստները հասկանում են իրենց դասակարգային շահերը, ևն. (13): Նոյնպէս և պրօլետարիատի զանազան խաւերի մէջ

(13) — Մրցումը, որ ղեկավարում է նորագոյն քաղաքացիական ընկերութիւնը, ամենակատարեալ արտայայտու-

ծաւալուած հակամիտութիւնները բազմաթիւ հանգամանքներից կախումն ունին, նայելով թէ ի՞նչ սովորութիւն և կարիքներ ունի այն ազգաբնակչութիւնը, որի շարքերից որ յառաջ են եկել պրօլետարները. նայելով թէ զանազան ճարտարագործութեանց մէջ ոյժի եւ և վարժութեան ինչ աստիճան է պահանջուում. նայելով թէ կանանց եւ երեխաների աշխատանքը որքան տիրապետող է. նայելով թէ ճարտարագործական պահեստի բանակը ո՛րչափ է, որ շատ տարբեր է զանազան ճարտարագործութեանց մէջ. նայելով թէ գործաւոր դասակարգը ո՛րքան պարզօրէն է ըմբռնում իր դասակարգային շահերը, եւ, վերջապէս, նայելով թէ գործը ի՞նչ բնաւորութիւն ունի. արդեօք նա գործաւորներին կղզիացնու՞մ է թէ իրարու մօտ բերում է:

Թիւնն է ամէնքի կռուի՝ ամէնքի դէմ: Այդ կռիւը, — որ կռիւ է կեանքի, գոյութեան, ամէն բանի համար, հարկաւոր դէպքում կռիւ կեանքի եւ մահուան, — մղուում է ոչ միայն ընկերութեան զանազան դասակարգերի, այլեւ այդ դասակարգերի անհատական անդամների միջեւ: Իւրաքանչիւր ոք արդեւք է մի ուրիշին եւ ջանք է անում վտարել իրեն խոչնդոտ եղողներին՝ նրանց տեղը բռնելու համար: Գործաւորները յարատեւ մրցման մէջ են իրարու միջեւ, ինչպէս և բուրժուայի անդամներն էլ՝ իրարու հետ: Շոգեջահրայի վրայ գործող ոստայնանկը մրցում է ձեռաջահրայի վրայ գործող ոստայնանկի հետ, անգործ կամ քիչ վարձագին ստացող ձեռաջահրայի ոստայնանկը մրցում է գործ ունեցողի կամ լաւ վարձագին ստացողի հետ, ամէն մէկը ճիգ է թափում միւսի տեղը գրաւելու: Գործաւորների այս մրցակցութիւնը ամենավատ ազդեցութիւնը ունի գործաւորների վրայ և ամենատուր գործիքն է պրօլետարիատի դէմ, որ գտնւում է բուրժուազիայի ձեռքում:

Պրօլետարը անօգնական մէկն է. ինքն իրեն թողնուած՝ բոլոր միջոցների մենաշնորհը իր ձեռքն է առել՝ բառի ընդհանրապէս և ստանալ միայն բուրժուազիայից, որ իր մենաւարար պրօլետարը, թէ՛ օրէնքով եւ թէ՛ իրականութեան մէջ գերին է բուրժուազիայի, որ կարող է նրա կեանքը կամ մահը վճռել: Բուրժուազիան պրօլետարին ապրուստի միջոցներ է առաջարկում միայն նրա աշխատանքի «համար-

Պրօլետարիատի զանազան ճարտարագործութիւնների և ստորաբաժանումների մէջ ունեցած պարագանների այս բազմաթիւ շարքերից իւրաքանչիւրը ոչ միայն մեծապէս փոխուում է, այլ ենթակայ է յարատեւ փոփոխութիւնների՝ շնորհիւ արտագրութեան մէջ եղած տեխնիքական եւ տրնտեսական յեղաշրջման անընդհատ ընթացքին: Կապիտալը ամէն օր երկրի մի նոր հատուած է նուաճում և ճարտարագործութեան նոր ճիւղեր էլ իր շահագործմանը ենթարկում. ու այդպիսով ազգաբնակչութիւնից շատերին պրօլետարներ է դարձնում. ամեն օր ճարտարագործութեան նոր ճիւղեր են երևան գալիս. իսկ արդէն գոյութիւն ունեցածները յեղաշրջւում են: Կապիտալիստ սիւստէմի արտագրութեան սկզբում ներկայացած պաակերը այսօր է երեւում: Նոյն իսկ հիմայ ազգաբնակչութեան նոր խաւեր չարտուում են պրօլետարիատ դասակարգի մէջ, ոմանք տնանկ աղքատներից աւելի վար աստիճանի մէջ են ընկնում, ոմանք էլ նորից բարձրանում են եւ ամենաստոր աստիճանի վրայ կանգնում. նոյն իսկ գործաւոր պրօլետարների մէջ յարատեւ կերպով նկատուում է բազմացման եւ նուազման հոսանք. մի մասը բարձրանում է,

ժեքին» համեմատ: Նա նոյն իսկ թոյլ է տալիս որ պրօլետարը ազատ ընտրութեան, ազատօրէն դաշինք կապելու և անբռնադատելի համաձայնութեան երեւոյթն ունենայ, իրրեւ շափահասութեան հասած պատասխանատու մի ազգակ:

Սքանչելի՛ աղատութիւն ... երբ պրօլետարը ուրիշ ընտրութիւն չունի, քան ընդունելու բուրժուազիայի իրեն առաջարկած պայմանները կամ սովամահ, ցրտամահ լինելու կամ մերկ, բացօդեայ քնանալու անտառի մէջ՝ անասունների հետ: Սքանչելի՛ համարժեք, որ բուրժուազիան է գնահատում ըստ քմահաճոյս: Եւ եթէ մի պրօլետար այնքան յիմար է, որ կցանկանար աւելի սովամահ լինել քան թէ համաձայնել բուրժուազիայի՝ իր « բնական մեծերի » արդար առաջարկներին, այն ժամանակ մի ուրիշը նրա փոխարէն դիւրութեամբ կգանուէր. աշխարհիս մէջ բաւականին պրօլետարներ կան և բոլորն էլ այնքան անխելք չեն, որ մեռնելը ապրելուց նախընտրեն: (Գործաւոր Դասակարգի Դրութիւնը Անդղիայում):

միւսը իջնում, նայելով թէ բարձրացնող կամ ստորացնող միտումներից ո՛րն է լինում ժամանակաւորապէս տիրապետողը :

Սակայն, բարեբախտաբար, մարդկային գործի երիտասարդացման համար՝ պրօլետարիատի գլխաւոր խաւերի շընորհիւ, հասած է այն ժամանակը, երբ վճռողական տիրապետութիւն են ստանում բարձրացնող միտումները, եւ նրանք արդէն բաւականին զօրեղ են պրօլետարիատի մէկ կամ միւս հատուածի մէջ արթնցնելու ինքնագիտակցութիւն. գիտակցութիւն իր դասակարգային խտրութեան, գիտակցութիւն իր բոլոր անդամների և ամբողջ գործաւոր դասակարգի համերաշխութեան, գիտակցութիւն իր ոյժի, որը յառաջանում է բոլոր գործաւորների սերտ միութիւնից : Արքան որ պրօլետարիատի որ և է մի մասը շուտ է ձեռք բերում գիտակցութիւնը այն իրողութեան, թէ իր դասակարգը տնտեսական մի անհրաժեշտ տարր է ընկերութեան մէջ . որքան որ ինքնայարգանքի զգացումը աւելի շուտ է ծաւալ առնում իր շարքերի մէջ, որքան որ պրօլետարը շուտ է հասնում այն ըմբռնմանը թէ իր դասակարգի համար փայլուն ապագայ կայ, եւ իր ազատատարիատի մի մասը շուտ է ճանաչում իր դրութեան գիտակցութիւնը, ինչպէս և իր կոչումը, այնքան էլ նրա ազդեցութիւնը աւելի արագ է թափանցում իր ամբողջ դասակարգի մէջ և այլևս դժուար է լինում նրան յետ մղել ու այն նուաստ արարածների աստիճանի մէջ դնել, որոնք ընդունակ են միայն ատելու, բայց ոչ թէ միտտեղ զաւրով ընդդիմադրելու մի երկարատեւ պայքարով . որոնք՝ իրենց ապագայից յուսահատուելով՝ աշխատում են իրենց թշուառութիւնը մոռանալ շուայտութեան մէջ . և որոնք շուտին ապստամբութեան կենսական ոյժ ու ընդունակ են միայն անարգ հպատակութեան : Անկարելի է դասակարգային գիտակցութիւնը ջնջել պրօլետարների այն մասի միջից, ուր տեղ որ նա մի անգամ բոյն է դրել : Կապիտալիստ սիստեմի ստորացնող ազդեցութիւնները որքան էլ որ զգալի կերպով երեւան գան, այնու ամենայնիւ նրանք կարող են միայն տնտեսապէս գետին դարկել իր դասակարգային գիտակցութիւնը ունեցող պրօլետարիատին, բայց երբէք՝ ըարոյապէս . պայմանով որ այդ ճնշումը ջախջախիչ չլինի : Սրա հետ

միասին կայ և այն, որ կապիտալիզմի բերած ճնշումը՝ դասակարգային գիտակցութիւն ունեցող պրօլետարիատի վըրայ՝ իր անմիջական ազդեցութիւնը կունենայ հակաճնշման երեւան դալը . և կապիտալիստի այդ ճնշումը չի ստորացընիլ, այլ կը զայրացնի . նա չի նուաստացնիլ պրօլետարիատին և նրան դնիլ տնտեսազգայանների նախատալից դրութեան մէջ, այլ նրան կրարձրացնի մարտիրոսութեան արժանիքին :

ԳՂՈՒՆ Ը.

### ՂԱՐՏԱՐԱՆԳՈՐԾՆԵՐԸ ԳՂԷՆՍԻ ԲՆՆԵՐԸ

ԱՆԳՈՐԾՆԵՐԻ ԲՆՆԱԿԸ ԿԱԶՄԻՈՒՄ Է ՆԵՐԳԱՂԹԱԿԱՆՈՒԹԵԱՆ ՄԻՋՈՑՈՎ

Մենք տեսանք որ կանանց եւ երեխաների աշխատանքի ներմուծումը ճարտարագործութեան մէջ՝ ամենագորաւոր միջոցներից մէկն է, որով կապիտալիստները նուազեցնում են գործաւորների վարձագները : Սակայն մի ուրիշ միջոց էլ կայ, որ թէեւ պարբերական, բայց նոյնքան զօրաւոր է, — դա է գործաւորների ներածումը հարեւան, յետաճաց այնպիսի երկրներից, որոնց ազգաբնակչութիւնը քիչ կարիքներ ունի եւ որոնց աշխատանքի ոյժը դեռ չի թուլացել գործարանական սիստեմից : Մեծ արտադրութեան եւ մեքենայականութեան զարգացումը ոչ միայն հնարաւոր է դարձնում այդպիսի անվարժ գործաւորներին բանեցնելը՝ վարժուածների փոխարէն, այլ և կարելի է դարձնում նըրանց արժանագին և արագ փոխադրութիւնը՝ ցանկացուած տեղը : Արտադրութեան զարգացման հետ համընթաց կերպով յառաջ է գնում փոխադրութեան սիստեմը, հսկայական արտադրութեան համապատասխանում է հսկայական փոխադրութիւնը, ոչ միայն ապրանքի, այլ և անձերի համար ևս : Ծոզեմաւերը և երկաթուղիները, քաղաքակրթութեան այդ պանծալի սիւները, ոչ միայն հրացան, խմբիչ եւ սիֆիլիս են տանում բարբարոսներին, այլ բարբարոսներին նոյնպէս բերում են մեզ մօտ եւ նրանց հետ միասին էլ՝ նրանց բարբարոսութիւնը : Երկրագործ մշակների հոսանքը դէպի քաղաքները հետզհետէ մեծ ծաւալ է առնում :

և ամենահեռաւոր երկրներէն իրարու մօտ են գալիս այնպիսի խմբեր, որոնք ունին նուազ կարիքներ, աւելի համբերատար են և քիչ ընդդիմադրողներ: Սլովակները, Շուէդացիները և Իտալացիները գաղթում են Գերմանիա. Գերմանացիները, Բելգիացիները, Իտալացիները գաղթում են Ֆրանսիա. Սլովակները, Գերմանացիները, Իտալացիները, Իռլանդացիները, Շուէդացիները գաղթում են Անգլիա. Սլովակները, Ռուսները, Հայերը, Շուէդացիները, Իտալացիները, Իռլանդացիները, Անգլիացիները և Չինացիները գաղթում են Միացեալ-Նահանգները — բոլորն էլ իւրաքանչիւր տեղի վարձագների ցածրանալուն նպաստելով: Արտասահմանեան այս բոլոր գործաւորները մասամբ սեպհակահազուրկ մարդիկ են, փոքր ազարակապաններ եւ արտադրողներ, որոնց կործանել է արտադրութեան կապիտալիստ սիստէմը, փողոցն է շարտել եւ զրկել է ոչ միայն իրենց անից, այլ նաեւ իրենց երկրից: Փղշտացիները յաճախ մեղադրում են որ հայրենասիրութիւնը պակասում է Սօցիալիզմի մէջ: Նայեցէ՛ք գաղթականների այդ խմբերին. կապիտալիստը չէ՞ որ այդ թշուառներին սեպհակահազուրկելով՝ քարոզի թոյնն է նրանց խմել տալիս:

**ԱՆԳՈՐԾՆԵՐԻ ԲԱՆԱԿԸ ԿԱԶՄԻՈՒՄ Է ԿԱՆԱՆՑ ԵՒ ԵՐԵՈՒՆԵՐԻ ԱՇԽԱՏՈՒԹԵԱՆ ՊԱՏՃԱՌՈՎ**

Փոքր ազարակապանների և արտադրողների սեպհակահազուրկման շնորհիւ, հեռաւոր երկրներից մեծ թուով աշխատաւորների ներածման շնորհիւ, կնոջ եւ երեխայի աշխատանքի զարգացման շնորհիւ, արհեստ ձեռք բերելու անհրաժեշտ ժամանակի կարճացման շնորհիւ, այս բոլոր միջոցների շնորհիւ արտադրութեան կապիտալիստ սիստէմը հնարաւորութիւն ունի մեծապէս ստուարացնելու իր տրամադրութեան ներքոյ եղող աշխատանքի ոյժերը: Եւ դրա հետ կողք կողքի յառաջ է գնում մարդկային աշխատանքի արտադրականութեան յարատեւ աճումը, որպէս հետեւանք անընդհատ յառաջադիմութեան՝ տխրիքական արհեստների մէջ:

**ԱՆԳՈՐԾՆԵՐԻ ԲԱՆԱԿԸ ԿԱԶՄԻՈՒՄ Է ՄԵՔԵՆԱՅՍ. ԿԱՆՈՒԹԵԱՆ ՆԵՐՄՈՒԾՄԱՆ ՇՆՈՐՀԻՒ**

Այս միտումների հետ միատեղ՝ մեքենան յարատեւօրէն ձգտում է տեղհան անելու գործաւորներին եւ նրանց աւե-

ւորդ դարձնելու: Ամէն մեքենայ աշխատանքի ոյժ է խնայում. եթէ այդ շանէր, ապա նա անօգտակար կլինէր: Ճարտարագործութեան ամէն ճիւղի մէջ — եւ այս տեղ պէտք է յիշել որ այսօր երկրագործութիւնն էլ ճարտարագործութիւնն է եւ համանմանօրէն կրում է մեքենայի ազդեցութիւնը — ձեռքի աշխատանքից դէպի մեքենայի աշխատանքի փոխանցումը իրա հետ բերում է մեծաքանակ տանջանք գործաւորների համար, որոնք մեքենայի պատճառով աւելորդ են դառնում եւ փողոցները նետում՝ լինին նրանք հասարակ գործաւորներ կամ արհեստաւորներ եւ կամ ազարակազորներ, որոնք հերկում, հնձում եւ բամպակ են քաղահան անում: Մեքենայականութեան այդ ազդեցութիւնն էր, որ գործաւորները զգացին առաջին անգամ: 19-րդ դարու առաջին տարիների ընթացքում կատարուած բազմաթիւ խռովութիւնները եւ այսօրուայ յաճախ տեղի ունեցած պատահմունքները ցոյց են տալիս տանջանքի այն քանակութիւնը, որ ձեռքից դէպի մեքենայի աշխատանքի փոխանցումն է բերում, ինչպէս և կատարելագործուած մեքենայականութեան ներմուծումը, որոնցից երկուսն էլ թշուառացնում են գործաւոր դասակարգին և նրան մղում դէպի յուսահատութիւն: Մեքենայականութեան ներմուծումը, ինչպէս և նրա յաջորդական կատարելագործումը, ամէն ժամանակ շարադէտ է եղել գործաւորների համար: Ճշմարիտ է որ յայտնի հանգամանքների ներքոյ ուրիշ գործաւորներ կարող են վաստակել դրանով, այնպիսի գործաւորներ, օրինակի համար, որ կղբաղուին նոյն այդ մեքենաները շինելով. բայց նախ այդ բախտաւորները, այսօր, ինչպէս եւ միշտ, շատ քիչ են քան թէ տանջուողները. և երկրորդ՝ շատ կասկածելի է թէ արդեօք այս իրողութեան գիտակցութիւնը ո՛րքան առաջ կարող է գնալ՝ սովամահ գործաւորներին մխիթարելու համար:

Ամէն մեքենայ նպատակ ունի՝ աւելի քիչ գործաւորներով նոյնքան ապրանք արտադրելու, որքան որ առաջ. կամ աւելի մեծ քանակութեամբ ապրանքներ դուրս բերելու, առանց գործաւորների թիւն աւելացնելու: Այս տեղից հետեւում է, որ եթէ մի երկրում գործաւորների թիւը չի պակասում մեքենայականութեան սիստէմի զարգացմամբ, ապա վաճառանոցը աւելի պիտի ընդարձակուի այդ գործա-

ւորները յարաճուն արտադրականութեան համաձայն : Սակայն աչքի առաջ ունենալով որ տնտեսական զարգացումը անեցնում է աշխատանքի արտադրականութիւնը, եւ միեւնոյն ժամանակ որ նա մեծ չափով բազմացնում է տրամադրելի աշխատանքի քանակութիւնը, դրանից հետեւում է, որ վաճառանոցը աւելի արագութեամբ պիտի ընդարձակուի, քան թէ մեքենայի պատճառով շատացած աշխատանքի արտադրականութիւնը, որպէսզի այդպիսով արգելուի բռնադատուած պարապութիւնը գործաւորներին մէջ : Վաճառանոցի արագ ընդարձակում, սակայն, շատ քիչ անգամ հանդիպեցաւ կապիտալիստ արտադրութեան ժամանակ : Կապիտալիստներին փաստաբանած « ծաւալման » թէօրիան անհամաչափ է գտնուում այսօր : Դրանից հետեւում է որ հարկադրոված պարապութիւնը մշտական մի երեւոյթ է կապիտալիստ սիստէմի արտադրութեան ներքոյ և նրանից էլ՝ անբաժանելարձ մեծ ընդարձակութիւն է ստանում եւ գործերը գործներին գործ մատակարարել : Վատ ժամանակներում, սակայն, երբ գործերը կանգ են առնում, անգործների թիւը առասպելական շատութեան է բարձրանում : Իրօք անգործները կազմում են կատարեալ մի բանակ, — ճարտարագործական պահեստի բանակ, ինչպէս որ անուանել է Մարքսը : Դա աշխատանքի ուժերի մի բանակ է, որ միշտ պատրաստ է գտնուում կապիտալիստի տրամադրութեան ներքոյ : մի բանակ՝ ուր տեղից կապիտալիստը միշտ կարող է ստանալ իր պահեստի զինուորները, երբ ճարտարագործական մարտը հրատապ է դառնում :

ԱՆԳՈՐԾՆԵՐԻ ԲԱՆԱԿԻ ԱՐԺԷՔԸ ԿՍՊԻՏԱԼԻՍՏ.  
ԴՍՍԱԿԱՐԳԻ ՀՍՄԱՐ

Կապիտալիստի համար պահեստի այս բանակը շատ թանկագին է : Նա կապիտալիստի ձեռքը տալիս է մի գորեղ գործիք, որով սանձում եւ հպատակեցնում է գործ ունեցող գործաւորների բանակին : Երբ ոմանց ծայրայեղ աշխատանքը արտադրում է գործի պակասութիւն միւսների համար, այն ժամանակ այս վերջիններին պարապութիւնը գործ է ածուում իրբեւ միջոց՝ պահելու եւ նոյն իսկ աւելացնելու

առաջինների ծայրայեղ աշխատանքը (13) : Եւ դեռ կան՝ մարդիկ, որոնք ասում են թէ այսօր ամէն ինչ վարդազոյն վիճակ ունի :

Թէեւ ճարտարագործական պահեստի բանակի քանակութիւնը բարձրանում և իջնում է գործերի բարձրանալու և իջնելու հետ միասին, այնու ամենայնիւ, ամէն բան միասին առած, երեւում է որ նա շատանալու յարատեւ միտումն ունի : Դա անխուսափելի է : Տեխնիքական զար-

(13) Ո՛ւր տեղից է ծագում այս անպատեհութիւնը : Նա գտնուում է ճարտարագործական մրցման և նրանից յառաջացող վաճառականական տաղնապների բնաւորութեան մէջ : Ապրուստի միջոցների ներկայ անկանոն արտադրութիւնը և բաշխումը որ կատարուում է ոչ թէ կարիքներին ուղղակի բաւականութիւն տալու դիտումով, այլ շահի համար, այդ սիստէմին մէջ, ուր ամէն ոք աշխատում է իր համար եւ իրեն հարստացնելու, խառնաշփոթութիւններ անխուսափելիօրէն պիտի ծագին ամէն ժամանակ : Օրինակի՞ համար՝ Անգլիան շատ երկրների ամէն տեսակ ապրանք է մատակարարում : Արդ, թէեւ մի տարագագործ կարող է գիտնալ թէ ամէն ապրանքից տարեկան ո՛րքան է սպառուում մի երկրում, բայց չի կարող իմանալ թէ տուած րոպէին ո՛րքան առ ձեռն, պատրաստ կայ, և դրանից էլ աւելի նուազ կարող է իմանալ, թէ իր մրցակիցները ո՛րքան են արտածում այն տեղ : Նա կարող է միայն գների մշտական ելևէջքից շատ անստոյգ եզրակացութիւններ դուրս բերել՝ ապրանքների պատրաստի քանակութեանց և րոպէի կարիքների մասին : Նա բախտին միայն պիտի վստահի իր ապրանքները արտածելիս :

Ամէն ինչ կատարուում է կուրօրէն, ենթադրութեան վրայ հիմնուած, աւելի կամ նուազ չափով՝ պատահմունքի քմահաճոյքին թողնուելով : Ամենաթեթեւ նպատաւոր տեղեկութիւնը ստանալիս՝ ամէն ոք արտածում է, որքան որ ինքը կարող է, այնպէս որ շատ ժամանակ չանցած՝ ամբողջ վաճառանոցը լեփ լեցուն է դառնում : Կապիտալը մնում է անզբաղ, գները իջնում են եւ անզդիական տարագագործութիւնը այլ եւս պարապմունք չունի իր ձեռքերի համար : (Գործաւոր Դասակարգի Դրութիւնը Անգլիայում, էջ 82 )

գացումը յարաճուն երազութեամբ յառաջ է շարժուում և յարտեւօրէն ընդարձակում է իր գործունէութեան դաշտերը, մինչդեռ միւս կողմից, վաճառանոցների ընդարձակումը պարփակում է բնական սահմանների մէջ:

Ուրեմն, աշխատանքի պակասութեան լիակատար նըշանակութիւնը ի՞նչ է: Դա նշանակում է ոչ միայն թշուառութիւն և չքաւորութիւն անգործների համար, ոչ միայն խտացած հպատակութիւն և շահագործումն անգործներին. ապա դա նշանակում է անապահովութիւն օրապահիկի՝ ամբողջ գործաւոր դասակարգի համար:

Նախկին շահագործութեան եղանակները ի՞նչ տանջանքների էլ որ ենթարկում էին շահագործուողներին, այնուամենայնիւ նրանք մի շնորհ չէին խլում նրանցից, այն է օրապահիկի ապահովութիւնը: Ճորտի և ստրուկի ուտելիքը գէ՛թ ապահովուած էր այնքան ժամանակ, որքան որ ապահովուած էր նրանց տիրոջ կեանքը: Երբ աէրը կործանուում էր, միայն այն ժամանակն էր որ իրենից կախում ունեցողների կեանքն էլ վտանգւում էր: Արտադրութեան նախկին սխտէմների ներքոյ՝ աշխատող ժողովրդին ի՞նչքան թըշուառութիւն և կարօտութիւն որ հանդիպէր, սակայն այդպիսի պատահումները երբէք հետեանք չէին արտադրութեան, այլ հետեանք՝ արտադրութեան խառնաշփոթութեան, որ յառաջ էր գալիս հունձքի փշանալուց, երաշտութիւնից, հեղեղներից, թշնամի բանակների արշաւանքներից, և այլն:

Այսօր, շահագործողի և շահագործուողի գոյութիւնը մէկզմէկու հետ չեն կապուած: Ամէն մի վայրկեան գործաւորը կարող է փողոցը շարտուիլ իր կնոջ և երեխաների հետ միասին, եւ մատնուիլ դաժան սովամահութեան, առանց որ շահագործողը ամենափոքր չափով դրանից անհանգստութիւն կրէր, այն շահագործողը, որին որ նա հարժատացրել էր:

Այսօր, հարկադրուած պարապութեան թշուառութիւնը շատ բացառիկ հանգամանքներում միայն արտադրութեան մէջ եղած խառնաշփոթութեան հետեանք է՝ արտաքին ազդեցութիւնների շնորհիւ. այժմս գործաւորների բռնադատուած պարապութիւնը անհրաժեշտ հետեւանք է

միայն ներկայ արտադրութեան սխտէմի զարգացմանը: Այսօր, նախկին արտադրութեան սխտէմների ներքոյ եղածին բոլորովին հակառակն է հանդիպում: Այսօր, արտադրութեան մէջ եղած այդպիսի խառնաշփոթութիւններ աւելի շատացնում են աշխատանքի պատահականութիւնները. պատերազմը իր բոլոր կործանարար ազդեցութեանց հետ իր անմիջական հետեւանքն ունի աշխատանքի պահանջի աւելացումն:

Արտադրութեան նախկին սխտէմի ներքոյ, փոքր աստիճանով, գործաւորի հասոյթը համեմատական էր իր աշխատասիրութեան: Ծուլութիւնը նրան քանդում էր և վերջն էլ գործից դուրս նետում: Այսօր, ընդհակառակը, գործի պակասութիւնը այնքան շատ կլինի, որքան որ շատ աշխատի գործաւորը. այնպէս որ նա բռնադատուած պարապութիւն է յառաջացնում ինքը իր սեպհական աշխատանքով: Առաջ ընտանեկան մի առած կար, որ իր ծագումն առած էր փոքր արտադրութեան սխտէմի ժամանակից, եւ որը կապիտալիստ մեծ արտադրութիւնը այժմ բոլորովին հակաշրջել է. այն է թէ՛ «աշխատաւորի տունը շինողը իր աշխատասիրութիւնն է»: Նմանապէս բոլորովին ստութիւն է այժմ այն առածը՝ թէ «գործել ուզողը միշտ հաց կը գտնի»:

Այսօր գործաւորի համար աշխատանքի ուժակարողութիւնը նոյնքան անվստահելի մի վահան է չքաւորութեան եւ թշուառութեան դէմ, որքան որ սեպհականութիւնը՝ փոքր արտադրողի համար: Ինչպէս որ մանկացման ուրուականը իր ստուերը ձգում է փոքր ագարակապանի և փոքր ճարտարագործի շաւղին վրայ, այնպէս էլ զործազուրկ վննու ուրուականը մթնացնում է վարձագնով աշխատողի ճանապարհները: Ամէն շարիքներից մեծը, որ յարակից է արտադրութեան ներկայ սխտէմին, շարիքներից ամենայնուզիչը, ամենաաղէխարը, որ մարդու հոգին սոսկացնում է եւ պահպանողականութեան ամէն զգացում արմատից ցընցում, — դա է օրապահիկի յարտեւ անապահովութիւնը: Այդ մշտական անապահովութիւնը կտրատում է ամէն յոյս կեանքի ապահովութեան եւ ամէն շահ՝ նրա պահպանութեան համար:

Ծայրայեղ աշխատանք, գործի պակասութիւն, ընտանիքի քայքայումն — սրանք են այն պարզեւնները, որ ար-



տաղրութեան կապիտալիստ սիստէմը բերում է պրօլետարիատին, նոյն այն ժամանակ, երբ նա պատճառ է դառնում այդ դասակարգի օրէցօր ստուարանալուն և այդ դրութեան զգալի կերպով հետզհետէ տարածուելուն՝ ամբողջ ազգաբնակչութեան վրայ:

ԳԼՈՒԽ Թ.

### ՊՐՕԼԵՏԱՐԻԱՏԻ ՅԵՐԵՆՃՈՒՄՆ — Վ.Ե.ՆՆՈՒԵԿՆԵԿՆԵՆ ԵՒ ԿՐԹՈՒՄՆՈՒ ՊՐՕԼԵՏԱՐԻԱՏԻ

Ոչ միայն մեծ արտադրութեան ընդարձակութեան շնորհիւն է, որ կապիտալիստ սիստէմը հետզհետէ ամբողջ ազգաբնակչութեանը պրօլետարիատ է դարձնում: Այդ բանը կատարում է նաև այն հանգամանքի շնորհիւ, որ մեծ արտադրութեան մէջ վարձագնով աշխատող գործաւորները դրութիւնը օրինակելի է դառնում բոլոր միև ճիւղերի մէջ վարձագնով աշխատող գործաւորների համար: Այժմ բոլորովին յեղաշրջուած են այն պայմանները, որոնց ներքոյ որ վերջին տեսակի գործաւորները գործում և ապրում են. սրանց երբեմնի ունեցած առաւելութիւնները կապիտալիստ ճարտարագործութեան մէջ աշխատող գործաւորների վրայ — այժմ բոլորովին աննպաստ հանգամանքների է փոխուել իրենց համար՝ կապիտալիստ ճարտարագործութեան մէջ աշխատող միեւնոյն գործաւորների շնորհիւ: Օրինակի համար՝ այն տեղերում, ուր գործաւորները գործում են վարպետ-գործաւորի համար՝ նրա հետ միասին աշխատելով և ապրելով, կապիտալիստ ճարտարագործութեան մէջ աշխատող գործաւորների ունեցած խեղճ կերակուրը և բնակարանը պարտուակ են դառնում նոյն այդ վարպետ-գործաւորի համար, որպէսզի նա իջեցնի իր գործաւորների վայելած բնակարանի և ապրուստի յարմարութիւնները: Դարձեալ. առաջուան ժամանակներում աշկերտութեան համար պահանջուած երկայն շրջանը միջոց էր ապրանքի կուտակուելը արգիլելու. այսօր աշկերտութեան սիստէմը — որ Ամերիկայի շատ քաղաքների մէջ առաջ է տարւում բարեգործութեան քօղի տակ, Արհեստագիտական-Դպրոցների անունով, օրինակ Նիւ-Եօրքում և Փիաս-

բուրգում — ամենաազդու միջոցներից մէկն է շատ արհեստներ արժանագին աշխատանքով ողողելու և չափահաս աշխատողների բերանից հացը խլելու: Այդ տեսակէտով նոյնպէս, ինչպէս և ուրիշ շատ տեսակէտներով, այդ հաստատութիւնները, որ փոքր արտադրութեան սիստէմի ներքոյ օգտակար և նպաստաւոր էին, — վնասակար և աննպատակայարմար են դառնում կապիտալիստ սիստէմի ազդեցութեան ներքոյ:

ԿԱՊԻՏԱԼԻՉՄԻ ԱԶԻԵՑՈՒԹԻՒՆԸ ՓՈՔՐ ՄԹԵՐԱՆՈՑՆԵՐԻ ՎՐԱՅ

Մի ուրիշ և շատ ընդարձակ ճիւղ կայ, որի վրայ խոշոր արտադրութեան կապիտալիստ սիստէմը գործում է իր ազդեցութիւնը՝ ազգաբնակչութիւնը պրօլետարիատի վերածելով — դա է վաճառականութեան ճիւղը: Մեծ մթերանոցները սկսել են ծանր կերպով ազդել, և այժմ էլ ազդում են, փոքր մթերանոցների վրայ: Փոքր մթերանոցների թիւը, հետեւաբար, անհրաժեշտօրէն չի պակասում: Ընդհակառակը՝ նա շատանում է: Փոքր մթերանոցը վերջին ապաստանարանն է սնանկացած փոքր արտադրողի համար: Եթէ իսկպէս փոքր մթերանոցները մէջտեղից վերցըւէին, այն ժամանակ փոքր վաճառականները իրենց ոտքի տակի հողը կը կորցնէին. նրանք այն ժամանակ պրօլետարիատ դասակարգից իսկայն կընկնէին տնանկ-աղքատների շարքին մէջ. կը դառնային մուրացկաններ, թափառաշրջիկներ և զգաստարանի թեկնածուներ: Այսպէս է իրականութեան մէջ, ամենամեծ չափով, փոքր վաճառականի էվօլյուցիան (բնաշրջում):

Փոքր մթերանոցների թուի նուազեցումն չէ, այլ նրանց բնաւորութեան ստորացումն է, որով մեծ արտադրութեան ազդեցութիւնը արտայայտում է վաճառականութեան վերայ: Փոքր վաճառականը միշտ գործ ունի վատ և արժանազին ապրանքների հետ. ապրիչ մավաճառների թիւը շատանում է. փողոցները և պողոտաները լցւում են փերեզակներով, բազմանում է թիւը և՛ շրջիկ մանրավաճառների ու ամէն տեսակ անարժէք հնավաճառների. աւրուած պտուղներ, փչացած բանջարեղէններ ևն. ծախուում են ամենանենգ կերպով, խարզախուած կշիռքների և չափերի միջոցով: Այսպէս, անկախ փոքր վաճառականի օրապա-

հիկը միշտ անհաստատ է դառնում, աւելի նման պրօլետարիատի. մինչդեռ մեծ մթերանոցների մէջ, միաժամանակ եւ յարատեւօրէն, բարձրանում է գործաւորների թիւը — զուտ պրօլետարներ, երբ և է անկախ դառնալու յոյս չունեցողներ: Կնոջ և երեխայի աշխատանք՝ անառակութեան հետ ընկերացած, չափազանց գործ, պակասութիւն գործի, սովամահութեան վարձագներ — մեծ արտադրութեան այդ բոլոր ախտանշանները, նոյնպէս յարաճուն քանակութեամբ երեւում են վաճառականական ճիւղի մէջ: Այդ ճիւղի մէջ աշխատող գործաւորների դրութիւնը արագօրէն մօտենում է պրօլետարների դրութեան: Միակ նշմարելի տարբերութիւնը այդ երկուսի միջեւ այն է՝ որ առաջինները լաւագոյն ապրելու երեւոյթ ունին, մի բան՝ որ ներանցից պահանջում է այնպիսի զոհաբերութիւններ, որ իսկապէս անժանօթ են ճարտարագործական պրօլետարներին:

ԿԱՊԻՏԱԼԻԶՄԸ ԿՐԹՈՒԹԻՒՆԸ ԱՊՐԱՆՔ Է ՆԿԱՏՈՒՄ

Պրօլետարիզմի մի երրորդ դասակարգ կայ, որ շատ առաջ է գնացել իր կատարեալ զարգացման մէջ, — դա կըթուած պրօլետարն է: Մեր ներկայ սիստէմի ներքոյ կրթութիւնը մի մասնաւոր արհեստ է դարձել: Ուսումը այժմ շատ տարածուել է եւ օրէցօր էլ տարածուում է: Կապիտալիստ ընկերութիւնը և կապիտալիստ պետութիւնը միշտ կարիք ունին ուսումնական և հմուտ մարդոց՝ իրենց գործերը վարելու, բնութեան ոյժերը իրենց իշխանութեան տակն առնելու — արտադրութեան կամ քանդելու նպատակով — եւ իրենց ստացած մեծագումար շահերը ճոխութեան մէջ չըռայելու: Արդ, ոչ միայն յոգնաշխատ փոքր ազարակագործը, գործաւորը կամ պրօլետարները, ընդհանրապէս, ժամանակ չունին նուիրուելու գիտութեան եւ արուեստների, ապա և՛ վաճառականը, տարազագործը, բանկիրը, արժաուտորողը [agioteur], կալուածատէր դասակարգը, — սըրանք բոլորն էլ միևնոյն դժուարութիւնների մէջն են: Նըրանք իրենց բոլոր ժամանակը տուած են կամ աշխատելու, կամ իրենց զբաղումին և կամ զուարճութիւններին, ինչպէս որ դէպքը կարող է բերել: Նորագոյն ընկերութեան մէջ, ինչպէս որ ընկերային առաջին շրջաններում էր, շահագործողները իրենք, կամ գէթ նրանց մէկ մասը, ո՛չ

արուեստներն են մշակում եւ ոչ էլ գիտութիւնը: Ներկայ շահագործողները, մեր ղեկավարիչ դասակարգը, այդ աշխատութիւնները թողնում են մի մասնաւոր դասակարգի, որոնց որ իրենք վարձում են: Այս սիստէմի ներքոյ կրթութիւնը դառնում է մի ապրանք:

Հարիւր տարի սրանից առաջ այդ ապրանքը հազուագիւտ էր: Շատ քիչ դպրոցներ կային. ուսման համար էլ շատ ծախք էր հարկաւոր: Փոքր արտադրութիւնը որքան ժամանակ որ կարողանում էր պահպանել աշխատաւորին, նա էլ այնքան իրեն տալիս էր ուսման. միայն բնութեան մասնաւոր ճիւղերը կամ նպաստաւոր հանգամանքները կարող էին պատճառ դառնալ, որ այդ տեսակ աշխատաւորների զաւակները նուիրուէին արուեստներին եւ գիտութիւններին: Գրեթէ անհաւատալի է ասելու, որ այնպիսի նոր երկրում, որպիսին են Միացեալ-Նահանգները, շատ երկար տարիների ընթացքում, բժիշկ, ուսուցիչ, արուեստագէտ — բոլորն էլ դուրս էին գալիս այդ սահմանափակ դասակարգի սերունդներից:

Այնքան ժամանակ, որքան որ իրերի այդ դրութիւնը երկարեց, կրթութիւն — ապրանքը բարձր գին ունէր: Ուսում ունեցողները, նրանք՝ որոնք ուսումը եւ գիտութիւնը գործադրում էին գործնական նպատակների համար, օրինակ փաստարանները, բժիշկները, պրօֆեսորները, և այլն, շատ լաւ բարեկեցիկ կեանք ունէին և յաճախ էլ պատիւ ու յարգանք էին վայելում: Միապետական երկրներում արուեստագէտը, բանաստեղծը, փիլիսոփան արքայական դահլիճների հիւրերն էին. Միացեալ-Նահանգներում այդպիսիները անվիճելի ականաւոր անձինքներ էին համարուում: Մտաւոր ազնուականութիւնը իրեն բարձր էր գուում: Մտաւոր ազնուականութիւնից Այդպիսիների միակ հոգսն էր իրենց մտաւոր զարգացումը: Եւ այդ տեղից յառաջանում էր այն, որ մտաւորապէս մշակուած մարդիկ կարող էին իդէալիստ լինել և յաճախ իդէալիստներ էլ էին: Այդ հանգամանքով է բացատրուում այն երեւոյթը, որ քառասնական թուականներին տղամարդկանց եւ կանանց մի խումբ ձեռք առան Ֆուրիէի իդէալիստ փիլիսոփայութիւնը, որի հետեանքը այն եղաւ, որ կոմունիստական մակընթացային մի ալիք, այն ժամա-

նակները, Միացեալ - Նահանգների վրայով անցաւ: Այդ տեսակ կրթութեան եւ մտաւոր մշակման ազնուականները աւելի բարձր էին կանգնած միւս դասակարգերի նիւթական ճգնաժամներից եւ հակամարտութիւններից: Կրթութիւն նշանակում էր ոյժ, երջանկութիւն եւ արժանաւորութիւն: Եզրակայութիւնը անխուսափելի էր թւում, որ պէսզի ամէն մարդ բախտաւոր եւ երջանկի լինէր, որպէսզի երկրից վտարուէին դասակարգային ամէն ներհակութիւն, ամէն տեսակ խեղճութիւն, չարութիւն եւ ստորութիւն, ուրիշ բան պէտք չէր, եթէ ոչ միայն կրթութիւնը տարածել եւ դարձեալ կրթութիւնը:

Կրթութեան ժողովրդի Աճումը

Այդ օրից սկսած՝ բարձր կրթութեան զարգացումը ահագին յառաջադիմութիւն արեց: Ուսման հաստատութեանց թիւը զարմանալի կերպով շատացաւ, բազմացաւ մեծ աստիճանով եւ՝ աշակերտների թիւը: Մինչ այդ՝ փոքր արտադրութեան հիմունքը խախտուեցաւ: Փոքր սեպհականատէրը այսօր ուրիշ միջոց չունի թող շտալու իր դաւակներին պըրօլետարների մէջ ընկնելու, քան նրանց ուղարկելու միջնակարգ դպրոցներ, եւ նա այդ էլ անում է երբ միայն իր միջոցները ներում են:

Սակայն բացի դրանից, նաև ի նկատի պիտի առնի ոչ միայն իր որդու, այլ եւ՝ իր դստեր տպագան: Աշխատանքի բաժանման արագ զարգացումը միշտ սանձգութիւններ է անում տնարարութեան վրան. տնարարութեան պարտականութեան է նա վերածում եւ արագօրէն նուազեցնում է տնային գործը: Մի ժամանակ տնային պարտականութեան ցանկի մէջն էին՝ ստայնանկելը, կարելը, հիւսելը, հաց ամբողջապէս, կամ մեծաւ մասամբ, տանտիրինութեան գործերի շրջանից դուրս են: Իրրեւ արդիւնք այդ բոլորի, ամուսնութիւնը հետզհետէ դառնում է մի պերճանք, քանի որ կինը տան կառավարիչն է միայն լինում, իսկ դրա հետեւանքն էլ լինում է այն, որ փոքր սեպհականատէրը եւ փոքր արտադրողը արագընթաց կերպով գէպի աղքատութիւն են դիմում եւ հետզհետէ կորցնում այդ պերճանքին անձնատուր լինելու միջոցները: Ուստի ամուրի

աղջկանց թիւը արագ աճում է, եւ բազմանում է այն ընտանիքների թիւը, որոնց մէջ մայրը եւ աղջիկը պէտք է գործեն ապրուստ ճարելու համար: Հետեւաբար կնոջական աշխատանքը ոչ միայն շատանում է թէ մեծ եւ թէ փոքր արտադրութեան եւ վաճառականութեան մէջ, ապա նա թափանցում է եւ՝ կառավարական պաշտօններում, հեռագրական, հեռախօսի, երկաթուղիների, բանկերի, գրագրական սենեակներում — տոմարակալ, սղագրող, կայլն — ինչպէս եւ գիտութեան ու արուեստների ոլորտի մէջ: Որքան էլ որ խորամաստ նախապաշարուններ եւ անձնական շահեր ըմբոստանան այդ հոսանքի դէմ. այնու ամենայնիւ կնոջական աշխատանքը մեծ քայլերով յառաջ է գնում դանազան արհեստագիտական գործերում: Դա ոչ պարծենկոտութիւն է, ոչ անպատշաճութիւն եւ ոչ էլ հպարտութիւն, այլ տնտեսական զարգացման ոյժն է, որ կնոջը մըղում է աշխատելու այս՝ ինչպէս եւ մարդկային գործունէութեան ուրիշ շրջաններում: Այն երկրներում եւ Միացեալ - Նահանգների այն տեղերում, ուր մարդիկ յաջողած են կանանց մրցումը վտարել մտաւոր հետախուզութիւնների այն ճիւղերից, որ դեռ կազմուած են հին Արհեստակցական - Ընկերութիւնների (համընթարական) սկզբունքով, — կինը աւելի մեծ ուժով հետապնդում է այն զբաղումներին, որ դեռ այդ ձեւով կազմակերպուած չեն, օրինակ՝ գրականութիւն, նկարչութիւն, երաժշտութիւն, եւ այլն:

Այս բոլոր տեսակ զարգացման հետեւանքն այն է, որ կրթուած դասակարգի թիւը ահագին կերպով աւելացել է: Սակայն չստացուեց այն բարեբար հետեւանքը, որ իդէալիստները սպասում էին կրթութեան տարածումից: Քանի որ կրթութիւնը մի ապրանք է, ապա նրա տարածումը համահաւասար է այդ ապրանքի քանակութեան շատացմանը, հետեւաբար եւ իր գնի անկմանը ու կրթութիւն ունեցողների բարօրութեան նուազմանը: Կրթուած ժողովրդի թիւը այնքան շատացել է, որ նա աւելի քան բաւական է կապիտալիստների եւ կապիտալիստ պետութեան կարիքներին: Կրթուած աշխատանքի վաճառանոցը այսօր նոյնքան է կուտակուել կրթութիւն — ապրանքով, որքան որ ձեռքով գործող աշխատանքի վաճառանոցը: Այսօր ձեռքով աշխատողներն չեն այլեւս՝ որ ունին իրենց անգործների պա-

Հեստի բանակը եւ նրանց գործերի մէջ մի'այն թուլութիւն կայ, այլ կրթուած գործաւորներն էլ ունին իրենց պարագորդների պահեստի բանակը եւ նրանց մէջն էլ գործերի թուլութիւնը իր մշտական բանակատեղն ունի կազմած: Հասարակական պաշտօնների ձգտողները փորձով գիտեն պաշտօն ստանալու դժուարութիւնը՝ թեկնածուների շատութեան պատճառով. ուրիշ ճիւղերի մէջ պաշտօն որոնողները նոյնպէս փորձով գիտեն թէ պարագորդութեան եւ միաժամանակ ծայրայեղ աշխատանքի նոյն չափազանցութիւնները կան թէ ձեռքով աշխատողների եւ թէ ուղեղով աշխատաւորների համար, որ վերջիններն էլ առաջինների նման վարձագնի ստրկութեան զոհերն են:

ԳԼՈՒԽ Թ.

ԿՐԹՈՒԼՆԾԻ ԳՈՐԾԱԼՈՐՆԵՐԻ ԴՐՈՒԹԻՒՆԸ  
ԹԻՒՆԸ ԵՎ ԵՐՈՒՆԵԿԱՐԵՐ ՎԵՏԻՄ  
ԹՆՐԵՆՈՒՄ Ի

Կրթուած գործաւորների դրութիւնը ակներև կերպով վատթարանում է. առաջ ժողովուրդը խօսում էր «մտաւոր ազնուականութեան» մասին, այսօր մենք խօսում ենք «մըտաւորական» կամ «կրթուած» պրօլետարի մասին. մօտ է այն ժամանակը, երբ այդ տեսակ պրօլետարների զանգուածը միւսներից կը տարբերուի միայն իր Մեծամտութեամբ: Նըրանցից շատերը դեռ երևակայում են, ոչ իրենք աւելի լաւ դրութիւն ունին, քան թէ ձեռքով աշխատող պրօլետարները. նրանք կարծում են թէ իրենք ղեկավարիչ դասակարգին են պատկանում, բայց այդ պիտիների դրութիւնը ոչնչով չի տարբերում այն սպասարներէր, որոնք իրենց տէրերի կառքի յետևը նստած՝ լորդի ձեռք են բանեցնում: Այդ «կրթութեամբ պրօլետարները» կապիտալիստ դասակարգի մտաւոր ղեկավարիչները լինելուց դադրած ան. նրանք, այսօր, կապիտալիստի եւ կապիտալիստ հաստատութիւնների համար այն նշանակութիւնը ունին, ինչ որ «կուփամարտիկները» և «լարախաղացները» ստորին գիներտների համար: Նրանց զլխաւոր նպատակներն են մեքենայութիւն և դաւադրութիւն. նրանց առաջին մտածմունքը չէ իրենց մտաւոր ապրանքների զարգացումը, այլ այդ ապրանքների վաճա-

ռելը. նրանց յառաջ երթալու գլխաւոր մէթոսն է իրենց սեպհական անհատականութեան պոռնկացումն: Ինչպէս որ փոքր արտադրողները, «մտաւոր պրօլետարները», նոյնպէս շլացած են կեանքի վիճակախաղի մի քանի փայլուն մըրցանակներով, ուստի իրենց աչքերը փակում են կեանքի անիւր անհամար պակասութիւնների վրան եւ իրենց մարմինը ու հոգին ծախում են, որպէսզի միջոց ունենան այդպիսի մըրցանակներ ձեռք բերելու: Համոզմունքները վաճառել եւ փոփոխել կամ դրամի ցամաք ամուսնանալ — սրանք մեր կրթուած պրօլետարների մեծամասնութեան համար՝ երկու բնական և անհրաժեշտ միջոցներ են, որպէսզի «մէկը իր բախտը չինի»: Արտադրութեան կապիտալիստ սիստէմը այդպիսի արարածներ դարձրեց մեր իդէալիստներին, գիւտ անողներին, մտածողներին եւ երազողներին:

Բացի դրանից՝ այս դասակարգի թիւը այնպիսի մեծ արագութեամբ է շատանում, որ այլևս կրթութիւնը շատ մեծ նշանակութիւն չունի, նոյն իսկ եթէ մէկը իր անհատականութիւնը վաճառքի հանի: Կրթուած ժողովուրդի՝ պրօլետարիատ դասակարգի մէջ ընկնելու առաջը, ոչ ոք կարող է աննել (14):

Արդեօք այս զարգացման հետեւանքով սկիզբն կառնի՞ մի շարժում, որով կրթուած ժողովուրդը կաշխատի միանալ կուռող պրօլետարիատի զանգուածի հետ, թէ՞ նա կը կղզիանայ, մինակ կմնայ, — դա դեռ եւս անորոշ

(14) Պրօֆեսիօնալ դասակարգի մեծագոյն զանգուածը, նրա այն մասը, որ յարաճուն թուով բազմանում է, իր տնտեսական անկախութեամբ կարող է պարճենալ այնքան, որքան որ ձեռքով աշխատողը. թէեւ նա, միջին աստիճանով, ապրուստի աւելի լաւ յարմարութիւններ ունենար: Գրքեր, գործիքներ, հանդերձեղէններ եւ այլն, համաձայն պարագմունքներին, միակ եւ անհրաժեշտ սեպհականութիւններն են այս դասակարգի ջախջախիչ մեծամասնութեան համար: Այս աղքատ խաւից է — այնպէս ասուած մտաւորական պրօլետարիատից — որ Սոցիալիզմը, այն երկրներում, ուր նա ամենաուժեղն է, ստանում է իր գործունեայ, տաղանդաւոր եւ խիզախ ախոյեանները:

— «Սոցիալիստ Օրացոյց՝ էջ 104»

է: Սահայն որոշ է այն իրողութիւնը, որ կրթուած դասակարգը հետզհետէ պրօլետարանում է: Եւ այդպիսով փակում է պրօլետարիատ դասակարգին մնացած այն միակ դուռը, որ տակաւին բաց էր եւ որի միջով՝ իրենց անձնական ջանքերով՝ շատ պրօլետարներ կարող էին սարգելու եւ այդ դասակարգի մէջը մտնել:

Այլ եւս խօսք չի կարող լինել այն մասին, որ վարձագնով աշխատողը կարող է կապիտալիստ դառնալ, այդ բանը անկարելի է իրերի սովորական ընթացքի մէջ: Երբ խօսուում է գործաւոր դասակարգի մասին, մտածող մարդը երբէք աչքի առաջ չի կարող ունենալ այն պատահմունքը, թէ մի գործաւորի կարող է ընկնել Լուիզլանդի վիճարող է մասնագորդ դառնալ մի անձնօթ ազգականի կարգտութեան: Նախկին ժամանակներում, այս եւ այն սեղ, նպաստաւոր մասնաւոր հանգամանքների ներքոյ, պատաշողում էր խնայել բաւականաչափ դրամ՝ սեպհական փոքրանալու, կամ յաջողութիւն ունենար իր որդւոյն ուսման տալու, որպէսզի իր հօրից « աւելի լաւ » դրութիւն ունենար: Չափազանց ծիծաղելի կը լինի, եթէ կարծուի որ են իրենց դրութիւնը բարեւաւել: Կեանքի սովորական ընթացքում գործաւորը շատ գոհ պիտի լինի իր բախտից, եթէ նա ճարպիկ լինի եւ գործի յաջող ժամանակներում կարողանայ բաւականաչափ դրամ մի կողմ դնել, թուլանում են: Սահայն, այսօր, այդպիսի կարելիութիւն չի քան երբ եւ է: Տնտեսական ներկայ դարգացումը ոչ գործաւորի համար, եթէ այդ երբ եւ իցէ կարելի էր, իսկ նա կարողանար մի փոքր բան խնայել որ իր այդ խնայածով կարողանար իրեն եւ իրեն զաւակներին պրօլետարիատ դասակարգից դուրս հանել: Եթէ նա իր փոքրաքանակ խնայած դրամներով ուզի անկախ մի գործ բռնել,

դա նրա համար կլինի կասկարայից կրակի մէջ նետուիլ. տանից ինը վտահարար կարելի է ասել, որ նա նորից իր նախկին դրութեան մէջը կընկնի, ստանալով այն դառն փորձառութիւնը, թէ փոքր արտադրողը այլեւս չի կարող իր գլուխը ջրից վեր պահել — մի փորձառութիւն, որ նա ձեռք բերած կը լինի իր արիւն քրտինքով խնայածը կորցնելով:

Դրանից աւելի դժուար է պրօլետարի համար փորձել իր որդուն բարձր ուսման տալու: Իայց ենթադրենք, նոյն իսկ, որ որդին այդ բարձր կրթութիւնը ստանայ, և այդպիսի մի փորձ էլ յաջողութեամբ պսակուի, ի՞նչ ծառայութիւն պիտի մատուցանի միջնակարգ կրթութիւնը պրօլետարիատի որդուն, որ առանց դրամազլխի, առանց ազդեցութեան չի կարող սպասել բարեյաջող հանգամանքի, որպէսզի իր գիտութիւնը վաճառի. այն էլ այնպիսի օրերում, երբ հաղարաւոր փաստաբաններ, բժիշկներ, ճարտարապետներ եւ պրօֆեսիօնալ ամէն տեսակ պաշտօնեաներ անօթի են մընում:

ՍՕՅԻՍԼԻՍՏ ՀԱՆՐԱՎԱՐՈՒԹԻՒՆԸ  
ՈՐՊԷՍ ՅՈՅՍ ԱՇԽԱՐՀԻ

Այսօր ի՞նչ ճանապարհ էլ որ ուզի բռնել պրօլետարը, նա միշտ կը հանդիպի կեանքի եւ տառապանքի միևնոյն պրօլետարական պայմաններին: Այդ պայմանները հետզհետէ թափանցում են բոլոր ընկերութեան մէջ. ամէն երկրների մէջ ժողովրդի ահագին զանգուածը կանգնած է պրօլետարական մակերևոյթի վրայ. անհատական պրօլետարի համար կորած է ամէն յոյս, թէ նա կարող է իր սեպհական ջանքերով դուրս գալ այն խորխորատից, որի մէջ իրեն ձգել է արտադրութեան ներկայ սիստէմը: Վաթմէջ իրեն ձգել է արտադրութեան ներկայ սիստէմը: Բէյմս Մադիսոնի արած սուէն և հինգ տարի սրանից առաջ՝ Ջէյմս Մադիսոնի արած սուէն և հինգ տարի սրանից առաջ՝ կերպով կատարուել է կանխասութիւնը այսօր տառացի կերպով կատարուել է այն կանխասութիւնը, որ առում էր թէ մեր ընկերային սիստէմի մրցման շնորհիւ՝ շատ ժամանակ չի քաշել, որ մեր ժողովրդի մեծամասնութիւնը ոչ միայն իր բոլոր սեպհականութիւնը կկորցնի, այլ կկորցնի և՛ յոյսը թէ երբ եւ իցէ կարող է ունէ սեպհականութիւն ձեռք բերել

Անհատ պրօլետարը իր սեպհական փրկութիւնը կարող է ձեռք բերել միմիայն իր ամբողջ դասակարգի փրկու-

Թեամբը: Իսկ այդ նպատակին կարելի է հասնել միայն այն ժամանակ, երբ արտադրութեան բոլոր գործիքները հաւաքական սեպհականութիւն կլինին ամբողջ ժողովրդին. — այսինքն երբ կտրի Սօցիալիստ Հանրավարութիւնը:

Նախկին ընկերային ամէն յեղաշրջման ժամանակ, Թող դա լինի Եվօլուցիստ, մի դասակարգ միւս դասակարգի տեղն էր անցնում. մի դասակարգ միւսին էր յաջորդում: Օրինակ, նահապետական դասակարգի տեղն անցաւ աստուածպետական դասակարգը. աստուածպետական դասակարգի տեղը բռնեց աւատական դասակարգը. եւ մեր օրերում՝ աւատական դասակարգին փոխանորդեց կապիտալիստ դասակարգը: Այս բոլոր օրինակներում վարի մէկ դասակարգ գլխորդ է վերի մէկ դասակարգին, ազատել է իրեն՝ միւսներին ստորադասելով, և այդպիսով մարդկային շահագործման նոր ձև է մտցրել:

Ընդհակառակը, ունենալ Սօցիալիստ Հանրավարութիւն, ոչնչացնել դասակարգային ամէն հակամարտութիւններ՝ տապալելով մարդկային շահագործման վերջին սիստէմները, իրեն փրկել ամբողջի փրկութեամբ — այդ նպատակը, որ հպարտութեամբ լցնում է ամէն Պրօլետարի կուրծքը և քաղցրացնում նրա դառնութեան բաժակը. Պրօլետարի, որ գիտակից է իր դասակարգային խըրտութեան և այն պարտականութեան, որ նոյն այդ դասակարգային խտրութիւնը դնում է իր վրան:



### ԲՈՎՆԷ ԴԱԿՈՒԹԻՒՆ

ԳԼՈՒԽ Ա. — Մերենաների ազդեցութիւնը: — Կապիտալիստ արտադրութիւնը բազմացնում է պրօլետարիատի թիւը — Պրօլետարի աշխատանքը կապիտալիստական շահի աղբիւրն է — Թէ ի՞նչ պէս մեքենաները ստորացնում են գործաւոր դասակարգի դրութիւնը:

ԳԼՈՒԽ Բ. — Վարձագններ. — Կապիտալիստի իւրացրած աւելցուքի շափը — Ազդեցութիւնները, որոնք վարձագնները բարձրացնելու կամ ցածրացնելու միտումն ունին — Մեքենաները կապիտալիստ դասակարգին միջոց են տալիս կանանց եւ երեխաներին շահագործելու:

ԳԼՈՒԽ Գ. — Պրօլետարիան ընտանիքի քայքայումը: — Կնոջական աշխատանքը ճարտարագործութեան մէջ՝ քայքայում է գործաւորի ընտանեկան կեանքը — Կապիտալիստ դասակարգը ջանք է անում քանդելու ընտանիքը:

ԳԼՈՒԽ Դ. — Անբարոյակամութիւն: — Արտադրութեան կապիտալիստ սիստէմը մղում է դէպի անբարոյականութիւն — Կապիտալիզմի ներքոյ անբարոյականութիւնը ընկերութեան մի սիւնն է դառնում:

ԳԼՈՒԽ Ե. — Վարձագնով աշխատող պրօլետարիատի նախնական օրերը: — Գործաւոր դասակարգի դրութիւնը կապիտալիզմի նախնական օրերում — Աշխատող պրօլետարիատը սկզբում իր ծագումը առել է խղիկների թշուառներից:

**ԳԼՈՒԽ Զ.** — Գործաւոր պրօլետարիատի բարձրացումն — Տնանկներին ևւ գործաւոր պրօլետարիատի միջեւ եղած հակադրութիւնները — Թէ ինչու գործաւոր դասակարգը ատոււմ և արհամարհում է հարստին — Կապիտալիստ դասակարգը անգիտակցօրէն կրթում է գործաւոր դասակարգին այն մէթոտներին մէջ, ինչ որ պահանջուում է կապիտալիզմը տապալելու համար — Աւատականութեան և կապիտալիզմի ներքոյ եղող գործաւորների համերաշխութեան միջեւ եղած հակադրութիւնները — Կապիտալիզմի ներքոյ գործաւոր դասակարգի բոլոր հատուածները իրարու հետ կապուած են :

**ԳԼՈՒԽ Է.** — Պրօլետարիատին բարձրացնող ևւ ստորացնող հակամտումները :

**ԳԼՈՒԽ Ը.** — Ճարտարագործական պահեստի բանակը :— Անգործների բանակը կազմուում է ներգաղթականութեան միջոցով — Անգործների բանակը կազմուում է կանանց և երեխաների աշխատութեան պատճառով — Անգործների բանակը կազմուում է մեքենայականութեան ներմուծման շնորհիւ — Անգործների բանակի արժէքը կապիտալիստ դասակարգի համար :

**ԳԼՈՒԽ Թ.** — Պրօլետարիատի յարաճումն -- վաճառականական ևւ կրթուած պրօլետարիատը — Կապիտալիզմի ազդեցութիւնը փոքր մթերանոցների վրայ — Կապիտալիզմը կրթութիւնը ապրանք է նրկատոււմ — Կրթուած ժողովրդի աճումը — Կրթուած գործաւորների դրութիւնը շարունակարար վատթարանում է — Սօցիալիստ հանրավարութիւնը որպէս յոյս աշխարհի :



ՀՀ Ազգային գրադարան



NL0205445

ԵՒՐՈՊԱՅԻ ԻՆՂԵՔՆԱԿԱՆ ԴՐՈՒԹԻՒՆԸ  
ՆԸ ԲԵՐԼԻՆԻ ԴԵՇՆԱԿԴՐՈՒԹԻՒՆԻՆ  
ՆԻՑ ՅԵՏՈՅ

գրեց

Ս. ՍԱՊԱՀ - ԳԻՒԼԵԱՆ

գինն է 1 Փրանկ

Կ. ԿԱՌԻՑԿԻ

ԴՈՐԾՆԵՒՈՐ ԴԵՍԱԿԱՐԳԸ  
(ՊՐՈԼԵՏԱՐԻԱՏԸ)

Թարգմանեց

Ս. ՍԱՊԱՀ-ԳԻՒԼԵԱՆ

գինն է 25 սենթ

Շուտով լըյս պիտի տեսնեն, Ս. ՍԱՊԱՀ-ԳԻՒԼԵԱՆԻ  
Թարգմանութեամբ, Կ. ԿԱՌԻՑԿԻՆԻ Հեռակեայ  
ԴՐՔՊԿԻՆԵՐԸ

“ԱՆՊԻՏԵԼԻՍ ԴԵՍԱԿԱՐԳԸ”

“ԴԵՍԱԿԱՐԳՆԵՐՆ ԿՈՒԻՒՆ”

“ՍՕՑԻԱԼԻՍ ՀԵՆՐԵՎԱԿՐՈՒԹԻՒՆ”

Ցանկացողները կարող են ստանալ՝ զխմելով “ԵՐԻ-  
ՏԱՍԱՐԴ ՀԱՅԱՍՏԱՆ” ի խմբագրութեան,

112, Essex, P. O. Box, Boston—Mass. (U. S. A.)